

續山東考古錄

卷十一之卷  
十七

ル 5  
3297  
4



門 几 5  
號 3297  
卷 4

續山東考古錄卷之十一

滄州葉圭綬子佩甫述

登州府上

蓬萊縣

漢後漢魏晉劉宋後魏黃縣地牟平縣地

高齊光州長廣郡牟平縣又黃縣地周因之

齊牟平縣故城在縣東南

里今廢縣社俗作廢現新縣志改作惟賢

寰宇記高齊天保七年移牟平於今黃縣東北七十三里馬

嶺山南置隋志牟平有龍山今縣南金山又名金果山今九

目山今縣東南九十里皆在縣東南馬嶺山即縣東南十五里之馬

續山東考古錄

卷之十一

蓬萊縣

昭和十九年  
五月三十日  
購求

鞍山也蓋漢治在福山西北齊移而北仍牟平地黃縣志稱  
在其縣東南十五里馬嶺山下非是

隋東萊州牟平縣及黃縣地牟平疑先屬牟州

唐河南道登州治蓬萊縣武德四年牟平縣屬牟州新唐志牟平下

武德四年以牟平黃置牟州似牟州即置於牟平故後州縣並廢也而寰宇記則謂唐牟州亦在中郎城新舊志黃縣下皆不

載貞觀元年省入黃縣牟州亦於八年元和志作貞於黃縣漢是年廢

蓬萊城置蓬萊鎮神龍三年移黃縣於鎮南一里改名蓬萊移登州來治先天元年復析置黃縣五代因之

蓬萊縣即今治舊唐志蓬萊漢黃縣神龍三年改為蓬萊移於今所黃縣下云又割蓬萊置黃縣新唐志略同是神龍三

年直改黃為蓬萊移於今治其時別無黃縣也先天元年始

又析置元和志寰宇記齊乘並云析黃置蓬萊非是舊唐

志稱如意元年於蓬萊置登州誤詳寧海州齊乘文登下書貞

觀元年廢登州登州下不書置於牟平逕書徙治蓬萊自何

縣徙來耶續通考蓬萊下宋金元俱為登州治所牟平下

云唐武德初置登州於牟平似唐登州始置即在牟平後並

未徙蓬萊宋始治蓬萊矣甚不合互詳寧海文登

宋京東東路登州防禦治蓬萊縣

金山東東路登州治蓬萊縣

元都省山東般陽路登州治蓬萊縣州初屬益都路中統五年

屬

明山東布政司登州府治蓬萊縣洪武元年廢蓬萊縣其地直隸於州屬萊州府六年直隸山東行省九年升為府復置蓬萊國朝因之

縣志道光十九年修沿革夏斟尋氏國繆漢屬東萊郡

膠東國按縣無漢膠東地晉分為東萊長廣泰山三郡

按縣無泰山郡地晉改泰山之牟縣為東牟必因此致誤

見萊古蹟有轍國又有軛國按轍不在此且漢縣非古

國軛乃轍之訛晉書高密王略傳軛令劉根起兵軛即軛之訛真繆之繆矣清

陽城不在此

黃縣

古萊夷商周萊國後入齊一作邾見春秋襄公十四年左傳

春秋襄公六年齊侯滅萊杜注云今東萊黃縣元和志黃縣

古萊子之國按黃為萊國古無異說而余大有疑焉史記齊

太公世家營邱邊萊其時萊為侯爵律以周制侯封已無都

黃而邊營邱之理春秋襄公二年晏弱城東陽以逼萊六年

傳云晏弱城東陽而遂圍萊杞桓公卒之月乙未王湫帥師

及正輿子棠人軍齊師齊師大敗之丁未入萊萊共公浮柔

奔棠晏弱圍棠十一月丙辰而滅之遷萊於郟杜注遷萊於

郟國考東陽城在臨朐東境萊如都黃相去三四百里城東

陽能逼之耶玩而遂文義及逼之之說萊都甚近東陽已可  
概見棠邑在古卽墨界而今之高密卽萊之維邑晏弱卽維  
人就近城東陽以逼萊萊城破而萊子奔棠其國都被圍而  
棠人軍齊是萊城必去棠不遠斷不出古卽墨夷安數縣境  
齊已滅萊則萊爲齊境內地萊滅於靈公時而景公時齊東  
不越姑尤黃在姑尤之外非萊故國明矣萊本在西齊遷之  
郕遂名東萊與牟本在今萊蕪齊遷之於今福山寧海遂名  
東牟正出一例小邾本名郕爲魯附庸齊何得遷萊於彼耶  
縣志云南十里有歸城齊遷萊於郕卽此土人曰灰城考齊  
乘稱郕城名小灰城此謂小邾詳滕縣則此城必齊遷萊之郕土俗

相傳已久後人因彼名以名此歸又灰音轉耳縣志既據舊國又以此爲郕是當日僅徙十許里又何貴此徙耶此郕當是東夷小國早附庸於齊者今姑從舊說附誌所見於此

漢青州東萊郡黃縣轍縣徐鄉縣

黃縣故城在東南二十五里

轍縣故城在西南二十五里後漢志轍縣侯國

後漢侯國劉昭注

三齊記曰南有蹲犬山寰宇記轍城在黃縣西南二十五里又云蹲犬山在黃縣西南三十里紀要稱轍城在縣南百二十里非是

徐鄉縣故城在西北十里寰宇記黃縣徐鄉故城失其遺址

又云士鄉城後漢書云齊有士鄉卽此按國語管仲制國爲二十一鄉士鄉十五是通國之制非獨有一士鄉城況黃在姑尤之外耶士卽徐音略轉耳以此附會於士鄉安所得徐鄉遺址乎

後漢青州東萊郡治黃縣及輗縣魏因之晉郡治還掖宋因之後魏光州東牟郡治黃縣武定元年置郡又輗縣

後魏黃縣故城在漢縣東一百步本中郎城魏志黃縣有黃城是後魏非漢治也元和志後魏孝靜帝分東萊於黃縣東一百步中郎故城置東牟郡然則縣亦徙此矣寰宇記引郡國志云石勒遣中郎將石同築齊乘以漢長廣縣城爲中郎

城繆矣

魏志東牟郡下重出梁州陽夏郡下注文本注遂闕

魏志輗縣有輗城徙治未詳或曰卽招遠之潘家城備考

高齊光州長廣郡治黃縣天保七年廢東牟郡移長廣郡來治縣之中郎城省輗縣入黃周因之

齊黃縣卽今治寰宇記黃縣高齊天保七年移於今理

隋東萊州黃縣開皇初廢長廣郡來屬十六年屬牟州大業初還屬

寰宇記開皇初改長廣郡爲牟州考隋志黃縣下但稱廢長廣郡不云置牟州而置州在觀陽下記誤

唐河南道

登州東牟郡

黃縣武德四年復置牟州於中郎城

此據寰宇記而

唐牟州似在高齊牟平城詳蓬萊記疑誤姑從俟考貞觀元年州廢屬萊州神龍三年移治今蓬萊縣先天元年復析蓬萊置來屬五代因之

宋京東東路登州黃縣

金山東東路登州黃縣西南境析入招遠縣

元都省山東般陽路登州黃縣

明山東布政司登州府黃縣

國朝因之

縣志乾隆二十一年修沿革唐先天元年復析蓬萊之黃

冠村別置黃縣即東黃城開元十一年徙東黃城為今治

其古蹟志東黃城即漢縣按後漢書李忠傳章懷注黃今

萊州縣故城在縣東南樂史當宋初稱今理即高齊所徙

是唐初及先天置皆高齊故治志以黃冠村為東黃城又

以為今治又以為漢城矛盾如是殊難憑信志又稱舊志

及碑稱開元十一年徙黃城之舊縣古無此說文義亦復

不通今城北門外有古城址或即黃冠村開元時稍南徙

歟備考 古蹟徐鄉城在縣西五十里非是

福山縣

周牟國齊遷牟國於此

魏志牟平有牟城時牟平未徙治即牟子所居矣今牟城社

漢青州東萊郡睡縣牟平縣育犁縣

寰宇記文登縣睡漢縣省併牟平按漢志注云東萊睡縣四

非有之罘山祠并丹水所出蓋在今縣西七十里清陽水側

近與海畔之罘山相對漢志之罘山祠之下有居上山聲洋

豈出於之罘山耶所謂五字樂氏引此而割此五字則丹水

清陽水又果何水耶按清陽水即漢志聲洋水今清陽河

睡縣在其側而與之罘山對明統志稱即今治是也寰宇記

所謂今縣指牟平縣今寧海州清陽水在其西七十里可證若文

登西七十里安有清陽水且何能對之罘山耶元和志之罘

北一百九十里元和時已析置隋及唐初睡城本文登地而

牟平仍係文登下亦李氏之誤今縣云云似新置牟平後地志之文樂氏仍沿舊志係之文

登耳齊乘以所謂今縣為文登文登至今寧海州百許里除

七十里得三十里遂稱睡城在寧海州東三十里亦思其地

有清陽水對之罘山否耶

牟平縣故城在西北三十里今古縣社俗作寰宇記蓬萊縣

牟平故城在縣東南九十里齊乘稱在牟平縣西北百里今

得百一十里百許里內十里之差非寧海州至府二百里除九十里

誤也考證謂不止百里未免過泥按縣在蓬萊東南百三

十里而古縣社在縣西北三十里即漢牟平無疑 牟平以

在牟山之陽其地夷坦得名見元和志蓋溯縣所由名非謂

唐牟平在牟山陽也隋志牟平即齊牟平有牟山當在漢縣

之北縣境內今寧海州北七里有牟山後人附會非是

寰宇記文登縣育犁漢縣後漢省併牟平蓋在今郡東南一



百二十里濶港水側齊乘稱在寧海州西北八十里是也當在縣西北十許里或曰即官家島後舊城土人曰營子頭備考

後漢青州東萊郡牟平縣省腫育犁二縣入之魏屬長廣郡晉初省牟平後復

晉志無牟平魏志牟平晉罷後復寰宇記稱晉牟平屬東萊晉封齊王問臣葛旗為牟平公其時在永寧元年疑是時復置也

劉宋青州東萊郡牟平縣

後魏光州東牟郡牟平縣高齊徙治於今蓬萊縣東南縣為牟平縣地文登縣地周隋因之隋志文登有之罘山唐武德六年析文登置

清陽縣屬登州時治貞觀元年省入文登麟德二年復為牟平

縣地齊周隋牟平地縣西北境是唐牟平地縣東南境是其西北境唐初仍為牟平縣地

貞觀元年為黃縣地神龍三年為蓬萊縣地五代宋因之

齊乘腫城省入牟平唐初置清陽縣城對之罘山臨清陽水故名清陽城又不夜城下解道虎云不夜在陽庭城東南陽庭有青城山始皇射魚處今按青城山即之罘山也因腫名清陽城故之罘號青城山陽庭即腫城是據此是唐清陽縣即漢腫城矣 城冢記齊康公城在牟平東十里又二十里為清陽城是清陽城在古牟平東南三十里即今治矣

金山東東路登州福山縣會昌中偽齊劉豫析蓬萊縣之兩水

鎮及牟平縣地置

福山縣即今治舊說稱縣治即兩水鎮而縣志稱鎮在縣北十里則別築城矣

元都省山東般陽路登州福山縣

明山東布政司登州府福山縣附 洪武三十一年設奇山千戶

所

奇山所故城在東北三十里

國朝因之 裁千戶所

縣志

康熙癸丑年修知縣羅博

沿革但稱漢睡縣不書牟平又不書

省睡入牟平於後魏書屬東牟郡何縣屬東牟郡耶 唐

宋但云屬登州何縣地耶 古蹟皆無方向里數

棲霞縣

漢睡縣地

西北境當有黃縣地東南境當有觀陽地

後漢魏晉劉宋後魏高齊周牟

平縣地隋牟平縣地觀陽縣地唐蓬萊縣地昌陽縣地五代梁

同唐唐晉漢周宋蓬萊縣地萊陽縣地

唐武德六年至貞觀元年當為清陽地

漢志睡縣有居上山在縣境

詳山考 縣為睡地明證

齊乘金山亦名峿嵎山棲霞縣東北二十里以產金得名即

地記萊陽縣之黃銀坑也隋開皇十八年牟州刺史辛公義

於此坑冶鑄得黃銀獻之山寺有隋碑淘金者所祖按元和

志萊陽縣黃銀坑在縣東百四十里當是東北也觀陽在萊

陽東隋牟州治觀陽此山隋屬觀陽唐省入昌陽

金山東東路登州棲霞縣天會中偽齊劉豫析蓬萊之楊疇鎮及萊陽縣地置

棲霞縣即今治齊乘棲霞舊為楊疇鎮

元都省山東般陽路登州棲霞縣

明山東布政司登州府棲霞縣

國朝因之

縣志

乾隆十九年修知縣衛葢

沿革唐東牟郡楊疇鎮按此鎮九域

志且不載何據以為唐鎮乎 金置淘金所一名金山郡

此俗稱不當入沿革

招遠縣

漢後漢魏晉劉宋曲城縣地嶷縣地

曲城縣故城在掖縣與縣接界處東去縣五十里

魏志嶷縣有羅山

後魏光州東萊郡東曲城縣皇興中析曲城縣置又西曲城縣

地即曲城嶷縣地高齊隋周唐五代宋掖縣地黃縣地

東曲城縣故城在西北三十里今日新城

隋志後齊省曲城入掖當兼兩曲城言之然羅山以北本嶷

縣地齊省入黃縣者九域志掖黃並有羅山鎮今治正兩縣

分界處也府志唐置羅峯鎮無據齊乘稱金初置鎮亦誤

金山東東路萊州招遠縣天會中偽齊劉豫析掖黃兩縣之羅  
峯鎮置

招遠縣即今治

元都省山東般陽路萊州招遠縣

明山東布政司登州府招遠縣洪武九年屬

國朝因之

縣志

順治十七年修  
知縣張作礪

續山東考古錄卷之十二

滄州葉圭綬子佩甫述

登州府下

萊陽縣

漢青州東萊郡長廣縣膠東國挺縣鄒盧縣及觀陽縣地即墨  
縣地魏志觀陽有淳于城縣東南三十五里淳于社也即墨城  
又名朱毛城縣西南境有朱毛社疑在縣與平度接界處  
長廣縣故城在東五十里

挺縣故城在南七里通典謂在昌陽西北據晉縣言也

鄒盧縣故城府志謂即縣西南四十里之古城章懷太子誤  
以此城為盧鄉城當即鄒盧城矣通志謂即南七十里之胡

城無據

後漢青州東萊郡長廣縣北海國挺縣及觀陽縣地即墨縣地  
建安時於長廣置長廣郡割挺縣屬之魏因之長廣郡後廢

後漢志北海國拒縣乃挺縣之訛劉宋志魏志並言挺後漢

屬北海可證紀要拒縣後漢改屬北海誤縣有王城社誤謂拒在縣境也○後

漢書馮岑賈列傳賈復封膠東侯食郁秩壯武下密即墨挺

胡觀陽凡六縣章懷注挺胡故城在今萊州昌陽縣餘詳

西北按兩漢志挺縣無挺胡之稱或縣南胡城三國魏志何

時屬挺縣兼稱之以名縣後復去胡名挺歟

夔傳夔於建安二年還鄉里頃之太祖辟為司空掾出為城  
父令遷長廣太守又夔以郡初立云云則置郡當在建安時  
矣補三國志以為魏末廢姑從之 縣志西南七十里長清

山下有長廣故城漢志奚養澤在長廣縣西澤在今縣西北

四十里視長清山在西南漢長廣縣城為在縣東五十里者

無疑則此城當是郡城也古郡國每別立城○後魏郡治即

墨即墨縣即膠東城晉宋無考詳平度

晉青州長廣郡 長廣縣咸寧三年復置郡○晉郡治無昌陽

縣惠帝元康八年復置又挺縣地劉宋因之

魏志長廣縣有即墨城金泉山在平沽水是後魏長廣縣即

長清山下之故城矣疑晉於長廣地置昌陽移長廣縣於此

也宋永初山川記昌山屬昌陽宋昌陽在漢長廣縣西如長

廣未移昌山辭文不能越長廣屬昌陽似晉已徙治矣

登之昌陽也宋志昌陽下晉惠帝元康八年分長廣縣立魏志昌陽下晉惠帝復立寰宇記顧野王曰晉惠帝元康八年復立昌陽縣通典通考以此為漢縣以為漢舊名耳元和志逕云漢舊縣置在昌水之陽故名昌陽近志無不以此為漢治無知漢治在文登者矣

魏志挺縣有樂毅城而昌陽有挺城是挺縣亦西移其故城在縣西或平度東未能確指今係平度仍俟再考漢治去晉昌陽僅十餘里疑亦晉人所徙

高齊光州長廣郡昌陽縣及觀陽縣地移長廣縣於後魏即墨

縣詳平周因之周無觀陽地

寰宇記登州下高齊自昌陽縣東五十三里長廣故城移長廣郡治於中郎城抑知後魏郡治膠東城即其即墨縣並不治長廣縣而後魏長廣縣並非漢城乎其長廣故城下又云在萊陽東五十里高齊天保七年因長廣郡自膠東城入中郎城復移長廣縣今本於膠東城此城遂廢是知齊非自長廣城移郡矣仍不知非自漢城移縣至齊乘復不知縣字訛作郡字稱齊置郡於中郎城後移郡於膠東萊陽東五十里之長廣城即中郎故城舛繆極矣長廣移治今平度其時挺縣亦省後魏長廣縣地入昌陽者十七八高齊之長廣實後魏即墨盧鄉挺三縣地今縣境無長廣地矣

隋東萊州昌陽縣及觀陽縣地

唐河南道東萊州昌陽縣五代梁因之唐改萊陽晉漢周因之

唐昌陽縣即今縣治舊唐志昌陽下漢縣置於古昌陽城永

徽元年移古縣西北二十三里按此亦誤以晉縣為漢城寰

宇記稱廢萊陽城按縣治彼時無萊陽之名也通考稱後漢

改萊陽蓋筆誤

宋京東東路東萊州萊陽縣

金山東東路萊州萊陽縣

元都省山東般陽路萊州萊陽縣

明山東布政司登州府萊陽縣洪武九年屬

國朝因之雍正十二年析置海陽縣

縣志康熙十二年修沿革戰國屬齊秦因之按秦始皇郡縣

有創無因漢置五縣一昌陽二盧鄉按二縣不在縣境

前漢無長廣云東漢益長廣繆極古蹟盧鄉城在縣

西四十里誤詳平度海陽中郎城在縣東南一百五十里此

沿齊乘之誤又衍一百二字

海陽縣

漢青州膠東國觀陽縣東境當有昌陽縣地北境當有東牟縣地

觀陽縣故城在西北一百里觀山下後漢書馮岑賈傳章懷

注觀陽在昌陽東紀要稱在萊陽東南三十里府志稱在萊

陽南十里皆去挺城太近惟萊陽縣志稱在縣東七十里觀山下與章懷注合應劭謂縣在觀水之陽即俗名昌水者昌陽移治以觀水冒昌水之名矣是山之南即此水之北縣志說差長從之今析入海陽

後漢青州北海國觀陽縣魏未詳晉昌陽縣地劉宋因之

晉志無觀陽未詳魏已省否如未省中隔長廣郡未必仍屬北海闕疑俟考

晉初昌陽省入長廣其東境直至海無縣治縣當為長廣地迨長廣西徙復置昌陽縣又為昌陽地宋永初時昌山猶屬昌陽今縣境在昌山西亦屬昌陽矣

後魏光州東牟郡觀陽縣興和中復

魏志觀陽有觀陽城未詳徙治何所

高齊光州長廣郡觀陽縣及文登縣地周省觀陽縣

隋東萊州觀陽縣開皇十六年復又於縣置牟州大業初州廢

來屬又文登縣地唐武德四年觀陽縣屬登州六年屬牟州貞觀元年省入昌陽縣為昌陽縣地牟平縣地五代梁因之唐晉漢周宋金元萊陽縣地牟平縣地

新舊唐志省觀陽無明文舊唐志文登下武德四年置登州領文登觀陽二縣六年以觀陽屬牟州新唐志牟平下誤作以觀陽屬萊州牟州於貞觀元年廢新唐志昌陽下貞觀元年省盧鄉入焉盧



鄉在今平度西北五十里無省入昌陽之理寰宇記萊陽有

漢四縣並無盧鄉蓋新唐志於膠水下省盧鄉誤作省膠東

昌陽下省觀陽又誤作省盧鄉耳

宋志牟平有乳山寨在今縣東 里

明萊陽縣地寧海州地附洪武三十一年置大嵩衛大山海陽

兩千戶所

大嵩衛城卽今縣治 大山所故城在西 里 海陽

所故城在東 里

國朝山東布政司登州府海陽縣初因明舊雍正十三年裁衛

所析萊陽縣寧海州地於大嵩衛城置今縣

縣志

寧海州

漢青州東萊郡東牟縣後漢因之魏屬長廣郡晉初省後置東

牟郡劉宋後魏牟平縣地高齊周隋文登縣地後漢永平二年東牟曾益琅邪

東牟縣卽今州治寰宇記登州下唐麟德二年析文登縣地

於東牟故城置牟平縣元和志文登縣東牟故城在縣西北

一百十里正今州治但元和時置牟平已久仍係文登本不

合寰宇記文登縣仍沿其舊傳寫者脫去一百二字齊乘遂

據之稱在文登西十里考證辨其誤仍不知卽今州治

晉志東萊無東牟縣補東晉志考晉懷帝紀永嘉元年有東

牟太守龐伉則郡屬西晉未置縣可考者一曰東牟按劉宋

無東牟縣未可據置東牟郡斷晉復置東牟縣也郡治何縣

亦無明證姑係此備考 補十六國志後趙前後南燕皆無

東牟郡獨前秦有殊無依據 晉書扶風王駿咸熙初徙封東牟侯似晉初未省但晉牟縣稱

東牟故未敢據

唐河南道 登州牟平縣麟德二年析文登復置牟平縣於東

牟故城屬萊州如意元年於縣復置登州神龍三年州移治蓬

萊縣仍屬五代因之

宋京東東路 登州牟平縣

金山東東路寧海州治牟平縣偽齊劉豫於縣置寧海軍大定

二十二年升州

元直隸都省 此據元志明志稱直隸宣慰司非是 山東寧海州治牟平縣

明山東布政司登州府寧海州洪武初廢牟平縣其地直隸於

州屬萊州府九年來屬 附 洪武初設寧海衛金山千戶所

金山所故城在東北四十里今金山集

國朝因之析西南乳山鄉入海陽 裁衛所

州志 康熙壬子年修 沿革漢東牟牟平二縣地按前漢二

縣中隔睡縣今州不能有牟平地 宋仍屬蓬萊當云仍

屬登州

文登縣

漢青州東萊郡昌陽縣後漢省不夜縣入之魏屬長廣郡晉初省入長廣後復置於長廣地今縣仍爲昌陽地劉宋昌陽縣地牟平縣地後魏觀陽縣地牟平縣地

昌陽縣故城在西南三十里後漢書光武十王傳章懷注昌陽故城在今聞登縣西北聞當作文北當作南寰宇記萊陽縣前昌陽縣在文登縣西南三十里昌陽故城是也又文登縣昌山宋永初山川記昌陽縣有昌山又云昌陽湯在縣西南四十里周迴十二步南流入黑水九域志文登有昌陽水是漢縣以文登之昌山昌水得名故城在文登明文如是齊乘云昌山在文登西南四十里昌水所出今縣西南古橋河

卽昌水東南流入母豬河卽黑水黑水又東南入海昌陽城當在古橋河北昌山之東十里齊乘不詳考水道稱此水南納黑水北合昌陽湯通名昌水南過萊陽會五龍水入海所謂昌陽湯者又誤以縣北七里湯當之蓋不知漢昌陽城在文登以晉縣爲漢城遂臆揣而爲此說其實昌水與晉縣所臨之水一東流一西流中隔大山無數絕不相涉七里湯與昌水中隔劉家河亦絕不相涉繆已甚矣近志無不沿其繆者 元和志黃縣下漢腫縣卽今文登縣其文登縣又以爲漢牟平地皆誤也漢時牟平東南爲腫腫之東爲東牟東牟東南爲昌陽不得因齊析牟平置文登遂謂文登爲漢牟平

尤不得因唐初睡城在文登境亦謂麟德二年後之文登為

漢睡縣也通典亦以文登為睡縣即寰宇記知漢昌陽城在

文登其文登縣又不載入仍沿李氏之繆何耶後漢永平二

邪未詳何時還屬

魏志觀陽有昌城即漢昌陽城 縣北境為牟平地劉宋始

書者以晉東牟復置與否無的據也榮成同

高齊光州長廣郡文登縣天統四年析牟平觀陽地置周因之

文登縣即今治寰宇記文登山在縣東二里元和志稱在西

北九十里縣所得名似不能若是遠也

隋東萊州文登縣

唐河南道登州文登縣武德四年於縣置登州六年析置清

陽今福廓定無二縣貞觀元年州廢省二縣入之屬萊州麟德

二年析置牟平縣今寧海州如意元年來屬五代因之

新唐志登州文登下云登州廢來屬按登州既廢是時謂來

屬登州可乎牟州與登州同年廢如意元年以前文登屬萊

州明矣

宋京東東路登州文登縣

金山東東路寧海州文登縣

元直隸都省山東寧海州文登縣

明山東布政司登州府寧海州文登縣附洪武三十一年置靖

海衛威海衛百尺崖千戶所

靖海衛故城在南一百一十里 威海衛故城在西北九十

里 百尺崖所故城在東北 里

國朝因之析置榮成縣 裁衛所

縣志 道光十九年修 沿革夏斟尋斟灌國秦隸睡邑何所

知縣歐文 見而云然耶 不知為漢昌陽縣

榮成縣

漢青州東萊郡不夜縣後漢省入昌陽縣魏晉昌陽縣地劉宋  
牟平縣地昌陽縣地後魏牟平縣地觀陽縣地高齊周隋唐五  
代宋金元文登縣地

不夜縣故城在西三十里顏師古漢書注齊地記曰古有日  
夜出見於東萊萊子立此城以不夜為名按此亦想當然耳  
寰宇記文登縣不夜城在縣東北八十里後漢省併昌陽近  
志稱省入牟平後漢時縣與牟平中隔東牟縣其說非也  
晉復置昌陽東極於海無他縣當仍後漢之舊不夜故地屬  
昌陽也晉初牟平東牟皆省黃縣以東亦極於海無他縣今  
文登北境及縣西北境未詳其屬昌陽或屬黃縣也 魏志  
觀陽有馬賓山今文登之馬鞍山也有牛耳山縣西南三十  
里之牛仙山也蓋後魏復析昌陽置觀陽東亦極於海不得  
以太遠為疑又牟平有成山山在今縣東瀕海其時牟平治

在今福山西北可有縣之北境觀陽有縣之南境無足異矣  
明文登縣地附洪武三十一年置成山衛寧津千戶所成化中  
置尋山千戶所

成山衛城卽今縣治 寧津所故城在南一百三十里 尋  
山所故城在南五十里

國朝山東布政司登州府榮成縣順治十三年裁尋山所雍正  
十三年裁成山衛寧津所析文登地於成山衛城置今縣

榮成名縣以成山又名榮成山也其實是勞成兩山榮勞之  
訛也考詳前錄

縣志道光十九年修沿革戰國齊夜邑按田單封夜卽掖  
知縣李天騰

縣非不夜 漢初稱夜武帝稱不夜繆極 東漢省入牟

平辨見前 古蹟不夜亭在不夜城中王莽置按莽改不

夜爲夙夜並未於不夜城置不夜亭

續山房補遺  
續山東省志  
卷之三

十一

登州府補遺

舊五代史晉天福六年秋七月辛酉以前登州節度使焦方爲

貝州節度使未詳登州何時升節鎮

宋史太祖紀乾德元年罷登州都督 又孫行友傳孫全照于

涑化中爲登萊路都巡檢使按宋登萊未自爲路蓋爲二州巡

檢使耳

黃縣

寰宇記引郡國志中郎城石勒中郎石同所築考晉書載記無

此事亦無石同其人有云季龍遣曹伏將青州之眾渡海戍躡

頓城無水而還因戍於海島運穀百萬斛以給之使典農中郎

續山東省志  
登補

一

續山東考古錄 卷之三  
將王典率眾萬餘屯田於海濱疑此城爲王典所築訛作石同也

萊陽縣

元史世祖至元二十六年萊縣蒲臺旱饑縣當作陽

寧海州

元史合刺普華傳出爲寧海路達魯花赤元寧海未置路當作州

榮成縣

漢書王莽傳夙夜連率韓博薦巨無霸按莽改不夜縣爲夙夜但縣不當有連率或莽曾分置郡於此史失載也

續山東考古錄卷之十三

滄州葉圭綬子佩甫述

萊州府上

掖縣

夏過國周齊夜邑

春秋襄公四年左傳魏絳曰寒浞處澆於過杜注掖縣北有

過鄉括地志過鄉亭在掖縣西北二十里山河兩戒考引作五十里似誤

戰國策齊襄王益封田單夜邑萬戶鮑昭注或作劇非說苑作掖邑

齊乘夜掖之省文漢書功臣侯表蠱達位次曰夜侯卽掖

漢青州東萊郡治掖縣及曲成縣臨朐縣當利縣陽樂縣陽石



縣

掖縣卽今治

曲成縣故城在東北六十里

臨朐縣故城在西北二十三里本寰宇記又云北去海二十里南去海神祠六七里舊疑西北柴胡寨是以去海廟差近也但今海廟去海纔二三里柴胡寨北去海里數亦不合縣西北二十五里有諸旺城南臨淇水疑淇水卽朐水音轉而諸旺城卽臨朐城也備考

當利縣故城在西南三十六里齊乘作四十里今盧旺村

陽樂縣故城在西南里當利城東北二十里今杲村

陽石縣故城在西南

里當利縣東

後漢青州東萊郡掖縣郡徙治黃縣又曲成縣當利縣魏因之晉青州東萊國治掖縣後爲郡王粲徙封上庸晉書載記張賓曰晉故東萊太守趙彭忠亮篤敏云又曲城縣當利縣南燕慕容德青州治東萊郡

齊乘曲成晉改曲城按成城字古通用非改名

寰宇記燕臺在掖縣東北二里南燕慕容德以東萊城爲青州理所築按疑於郡城東北別築城爲州治後城圯而名臺耳不然已治郡城矣又築此何爲乎備考

劉宋青州東萊郡治曲城縣及掖縣當利縣

後魏光州治東萊郡治掖縣皇興四年分青州置光州延興五

年改鎮景初元年復又析曲城置東曲城縣改曲城為西曲城  
又長廣郡當利縣高齊省當利縣東西兩曲城縣入掖周因之  
寰宇記東萊郡劉宋改理曲城後魏初亦治曲城按此因劉  
宋志東萊郡首曲城後魏皇興四年置光州魏志掖下稱州  
郡治意謂置州時始還治掖也但晉宋魏地志諸郡居首之  
縣非郡治者甚多不足為據姑從俟考  
縣志今城南址  
即光州城北面  
魏志當利有當利城未詳徙治何所

隋東萊郡治掖縣

唐河南道東萊郡治掖縣武德四年置曲臺縣復置曲城當利  
二縣後皆省入掖五代因之

曲臺縣故城在北門外迤東此據縣志一統志云在東南  
曲城等三縣舊唐志武德六年廢新唐志謂貞觀三年省按  
舊唐志萊州下云六年廢曲城當利曲臺膠東四縣貞觀元  
年廢盧鄉新志似將貞觀元年廢五字屬上讀傳寫者又誤  
元年作三年

宋京東東路東萊郡防禦治掖縣

金山東東路萊州定海軍治掖縣

元都省山東般陽路萊州治掖縣州初屬益都路中統五年屬  
至元二年省即墨入之後復置

明山東布政司萊州府治掖縣洪武元年升萊州為府六年降

續山東通志卷之三十三

州九年復為府附洪武三年置萊州衛及左右前後中五千戶所又

置王徐寨千戶所

王徐所故城在東北八十里

國朝因之又為登萊青道治 裁衛所

縣志乾隆二十三年修 嘉慶十二年續知縣張恩勉 劉文瑛沿革表過國與縣同

列萊國與郡同列不合 前漢漏載臨朐陽樂陽石三縣

唐曲臺不可云復置

平度州

周齊即墨邑疑本萊國地也續通典城臨墨水 因以為名按墨水今州東落藥河

史記田敬仲世家威王九年召即墨大夫而語之云云按即

漢縣今俗名朱毛城考春秋哀公六年齊悼公使朱毛告於

陳子又使朱毛遷孺子於駘或朱毛曾食此歟孺子後葬於

及冒瀆路史及國即及冒瀆一作朱堯代有及戕傳作朱戕

及冒瀆疑即朱毛食邑後改即墨也備考冒瀆與毛城音亦相近

春秋襄公六年左傳萊王湫及棠人軍齊師杜注棠萊邑即

墨有棠鄉後漢志劉昭注 引誤作棠國名勝志稱在昌邑南八十里甘棠

社考州西三戶山已為下密地昌邑甘棠社又在其西似非

晉即墨縣地蓋中隔膠東縣也俟考漢膠東共王子恢 封堂鄉侯即棠鄉

漢青州膠東國治即墨縣高帝元年膠東王田市都此五月屬

齊為郡田榮殺市也四年韓信王齊 六年封子肥為齊王屬之文帝十六年復為國景帝

前三年國除為郡王雄渠以反誅四年復為國武帝為中太子也

二年復為國王寄封此又下密縣地宣帝祀三戶山於下密山在今州西七十里漢志訛作三台一作三

又東萊郡平度縣盧鄉縣

膠東國城即今州治史記漢興以來諸侯王表膠東國治即

墨水經注膠水逕膠東縣故城西高帝元年別為國景帝封

子寄為國王王莽之郁秩也按前漢無膠東縣蓋仍即墨縣

地國縣不同城也近志據王莽改名謂膠東城即前漢郁秩

縣後漢改膠東與史表顯有不合莽改齊郡為濟南改山陽

為鉅野不得謂齊郡即濟南山陽即鉅野也後漢書賈復傳

封膠東侯食六縣惟郁秩章懷無注則郁秩城失考久矣

膠東領八縣郁秩第八班志郡國治所固不必皆首列然亦

無殿他縣之後者志載郁秩有鐵官州境所不產其說不可

從 王莽始建國元年徐鄉侯劉快攻即墨兄般漢故膠東

王時為扶崇公閉城自繫獄蓋降封後居縣城也

即墨縣故城在東南六十里又名朱毛城俗曰康王城

平度縣故城在西北六十七里一統志平度故城係平度州

表列掖縣蓋在今掖與平度之間也

盧鄉縣故城在西北五十里本寰宇記又曰東三十里有明

堂山山在州東北四十八里後漢書章懷注盧鄉故城在昌

陽縣萊陽東南二十三里西北近志謂即萊陽西南四十里之故城考

寰宇記謂萊陽有漢長廣挺縣

今本訛作掖晉書蘇峻傳長廣掖人亦當作挺觀陽

鄒盧四縣之地盧鄉不在彼明矣登州府志以在萊陽西南

者為鄒盧故城章懷似誤以鄒盧為盧鄉也

今縣西南唐初縣西北或

謂隋盧鄉徙彼據唐志省盧鄉入昌陽之誤文耳

詳後及海陽

後漢青州北海國膠東縣建武十三年併膠東國入北海析即

墨置膠東縣又即墨縣及下密縣地又東萊郡盧鄉縣

永平二年盧鄉

益琅邪國未詳何時還屬魏因之

膠東縣即膠東國城後漢書賈復傳復封膠東侯卒子忠嗣

卒子敏嗣建初元年國除肅宗更封復小子邯為膠東侯邯

弟宗為郎墨侯各一縣分即墨以國城為東縣當在此時

建寧中有膠東令衡方碑按邯傳子育育傳子長長後不載

桓帝時有膠東侯相吳祐罷侯置令在桓帝末矣

晉青州齊郡膠東縣及下密縣地長廣郡即墨縣東萊郡盧鄉

縣

晉志膠東即墨屬濟南郡誤

詳歷城

魏志即墨晉屬長廣膠東

晉屬齊郡從之補東晉志二縣屬北海乃太安以前耳

詳昌樂

劉宋青州北海郡膠東縣即墨縣及下密縣地東萊郡盧鄉縣

後魏光州長廣郡治即墨縣及挺縣又長廣縣地

魏志長廣有即墨城金泉

山今州東南境皆其地

又東萊郡盧鄉縣

後魏即墨縣即後漢膠東縣城魏志長廣郡晉武帝置治膠

東城

晉復置也晉郡治未詳據此則是已治膠東城矣但志或據當時治所言未必晉已治此也俟考

其卽

墨下云郡治有三戶山膠水甯戚冢

州西六十里

水經注膠水逕

膠東縣故城西今長廣郡治是後魏卽墨移治膠東城並有

漢下密東境漢卽墨城則爲長廣縣地也

魏志挺縣有樂毅城寰宇記樂毅城在卽墨故城北唐時隨

盧鄉并入膠水其故城疑在州東北

互詳萊陽

高齊光州長廣郡長廣縣天保七年廢卽墨縣移郡治黃縣中

郎城徙長廣縣來治并廢挺盧鄉二縣入之周因之

齊長廣縣卽後魏卽墨縣城隋志膠水舊曰長廣

又見寰宇記詳萊陽

隋志盧鄉下後齊盧鄉及挺城

魏志不名挺城疑行

並廢廢入長廣

也寰宇記盧鄉廢入膠東非是

隋

東萊州郡

膠水縣盧鄉縣及卽墨縣地

古樂毅城仍屬卽墨詳卽墨

開皇十

六年復置盧鄉縣

並有廢挺縣之地

仁壽元年改長廣爲膠水

避煬帝名

元和志膠水縣本漢膠東國之地後漢省膠東國爲膠東縣

屬北海國後魏屬北海郡開皇三年罷郡屬萊州仁壽元年

改爲膠水按州自漢迄隋沿革元和志寰宇記及近代地理

書莫不舛繆百出者據元和志竟似後漢并一國爲一縣直

至隋始改膠東爲膠水矣後魏改卽墨高齊改長廣皆不之

及後魏膠東乃漢都昌之地

詳雜縣

與膠水縣早無干涉隋志

膠水舊曰長廣仁壽元年改名未之見耶若舊唐志膠水下

云漢膠東國地隋置縣於古光州改名膠水錯繆尤不可解  
高齊移長廣郡於中郎城隋廢之寰宇記有改長廣郡為牟  
州之說此蓋誤以牟州為光州又誤以高齊長廣縣為長廣  
郡隋改長廣為膠水遂近惟齊乘考證得其詳實  
誤以為於古光州置耳

唐河南道東萊州膠水縣及即墨縣地貞觀六年省盧鄉縣入

膠水五代因之

新唐志膠水下貞觀元年省膠東入焉考北海縣下武德二  
年置膠東等十三縣六年省舊唐志萊州下云武德四年討  
平綦順置萊州領九縣膠東第九六年廢蓋隋改膠東為濰  
水又改下密唐初復置膠東於今濰縣東南八十里屬濰州  
四年屬萊州六年已廢舊新兩志相同乃新志於此又有貞

觀元年省入膠水之說據舊唐志萊州下廢盧鄉正在貞觀  
元年寰宇記盧鄉故城在膠水則此當是貞觀元年省盧鄉  
入焉誤作省膠東而於昌陽下遂誤省觀陽作省盧鄉矣

宋京東東路東萊州膠水縣

金山東東路萊州膠水縣

元都省山東般陽路萊州膠水縣

明山東布政司萊州府平度州洪武二年升膠水縣置

國朝因之

州志康熙丙午年修沿革漢平度縣後改置膠東國繆極

後齊廢膠東為長廣縣繆極 唐武德初析置膠東貞

觀元年省膠東天寶元年復置此沿新唐志之誤天寶復置則出杜撰 古蹟下密城在州西五十里此城屬昌邑

昌邑縣

周齊都昌邑又紀鄆邑後入齊莒密邑

晏子春秋齊景公封晏子以都昌辭不受寰宇記引作春秋

誤又以爲齊逢丑父邑俗訛逢萌墓作逢丑父墓耳卽漢縣

鄆邑故城在西北三十里寰宇記作西十三里字倒又曰訾也齊乘云在西北四十里

亭今瓦城春秋莊公元年齊師遷紀鄆杜注都昌縣西有訾

城陸德明曰鄆子斯反蓋鄆轉爲訾也穀梁傳以邾鄆鄆爲

國名范甯曰邾鄆鄆之君無紀侯之賢故不復見

春秋隱公二年紀子帛莒子盟於密杜注密莒邑城陽淳于

縣東北有密鄉按卽漢縣

漢青州北海郡都昌縣平城縣密鄉縣膠東國下密縣

都昌縣卽今縣治

平城縣故城在南 十里

密鄉縣故城在東南十五里今密城社三城並詳下

下密縣故城在東二十里今古城社水經注濰水自淳于東又北

逕平城亭西又東北逕密鄉亭西應劭曰淳于縣東北六十

里有平城亭又四十里有密鄉亭故縣也又東北逕下密故

城西城東有密阜又東北逕逢萌墓又北逕都昌縣故城東



按今縣南五里逢丑父墓實逢萌墓寰宇記都昌故城今為

昌邑縣是也

通志昌邑城乃都昌城東南一隅

齊乘以縣南五里大營城為

都昌城與濰水先逕逢萌冢後逕都昌城不合今從寰宇記

平城城今無址可考當在縣南四十許里

古里較小

縣東三

十里有密阜其西十里有古城社即下密也近志誤係濰縣

後漢青州北海國都昌縣下密縣下密中興省安帝復又淳于

縣地

密鄉平城故地入淳于

魏因之

九州春秋孔融以北海相自還領青州刺史治郡北陞蓋即治都昌縣也

補三國志北海無都昌考後漢末孔融為黃巾管亥圍於都

昌晉亦有此縣不當據脫誤之晉志以例魏也

晉青州齊郡都昌縣下密縣及城陽郡淳于縣地

晉志無都昌下密屬濟南郡脫誤也

詳歷城

據杜預說

見前是

晉初都昌未省也魏志都昌晉屬齊郡是晉終有此縣也又

下密下亦云晉屬齊郡從之補東晉志引作晉屬北海誤

魏志

晉屬齊郡之下有後屬字蓋劉宋改屬北海也晉太安後並無北海郡

都昌之廢當在永嘉亂

後劉宋時寄治青州可證也

劉宋青州北海郡下密縣及高密郡淳于縣地

都昌寄治州下未詳有其故地

否

後魏青州北海郡下密縣及膠東縣地

魏志膠東有逢萌冢是時膠東徙治漢都昌地

也故城今隸濰縣

又膠州平昌郡淳于縣地高齊周下密縣地

齊下密今濰縣

隋下密縣地

隋下密即魏膠東

唐北海縣地武德二年置訾亭縣華池

續山東考古錄

卷之十三

昌邑縣

十

縣復置平城縣下密縣隋亂下密廢屬濰州六年省訾亭華池平城

三縣八年省下密皆入北海縣五代因之

訾亭縣故城即古鄆城紀要訾城在縣西十五里又十五里為鄆城因寰宇記創文而為此說

華池縣故城當在縣西縣志云縣為古芙蓉郡其古蹟有芙

蓉池在縣西二十里云相傳古芙蓉郡得名以此初莫詳俗

傳所自久乃悟此唐華池縣所由名俗以華為芙蓉又誤縣

為郡耳縣治當與池相近

高齊下密唐北海治隋下密唐濰水治隋西下密去北海僅

二里唐復置下密似在漢舊治姑係此備考

宋京東東路濰州昌邑縣乾德初析北海縣唐安鄉置

宋昌邑縣即漢都昌縣城宋志昌邑本隋都昌縣建隆三年

復置寰宇記昌邑古都昌之地漢更昌邑魏晉因之後廢皇

朝建州後再置按隋都昌不在此通考亦云隋都昌並誤詳昌

樂漢昌邑在今鉅野樂氏誤甚齊乘宋乾德閒即唐安鄉建

昌邑縣考建隆三年尙未置濰州今從齊乘

金山東東路濰州昌邑縣

元都省山東益都路濰州昌邑縣

明山東布政司萊州府平度州昌邑縣洪武十年省入濰縣二

十二年復

國朝山東布政司萊州府昌邑縣

續山東通志 卷之三十三 昌邑縣

縣志乾隆七年修沿革昌邑一名芙蓉鄙陋可哂 本紀

鄆邑戰國齊名都昌此混兩邑為一都昌名不始戰國

漢置都昌國國除為縣按漢侯國即縣 晉屬齊郡後屬

北海當云晉屬北海後屬齊郡 南宋北海郡治按此因

劉宋志郡首都昌而云然抑知都昌尚寄治青州則郡治

當存疑又云北魏因之北魏郡治平壽都昌不在此

濰縣

夏寒國斟鄩國三壽國一名王壽周杞緣陵邑徙都之後還濰于

寒國故城在東北三十里今寒亭社水經注作韓互詳壽光

春秋襄公四年左傳魏絳曰寒浞命子澆帥師伐斟鄩杜注

北海平壽縣東南有斟亭又應劭注漢書曰斟尋禹後今平

壽斟亭是水經注京相璠曰故斟尋國禹後西北去灌亭九

十里一本脫里字朱氏曰九十當作九里甚不合通志云斟尋在洛州鞏縣考括

地志故鄆城在洛州鞏縣不云斟尋左傳昭二十三年二師

圍郊癸卯郊鄆潰杜注河南鞏縣西南有地名鄆中即括地

志所謂鄆城京相璠曰今鞏洛渡北有鄆谷水東入洛史記

正義曰鞏縣有鄆谷水水經注洛水東北歷鄆中水又有鄆

城蓋周大夫鄆盼之邑據此是河南鄆城乃周邑名山河兩戒考以

為自河南徙北海亦無據 斟鄩即漢斟縣無疑東近濰水其明證已

竹書紀年夏后杼八年征於東海伐三壽山海經作王壽路

史云王壽宜是平壽衛之下邑按衛字疑誤

漢志營陵下或曰營邱應劭曰師尚父封於營邱陵亦邱也

臣瓚曰營邱卽臨淄也營陵春秋之緣陵按太公所封名營

邱不名營陵邱陵字義雖同然以名地則不容相混

平陵不可名平

邱中邱不春秋之初此地與齊隔紀國地紀侯大去始與齊

可名中陵可名中陵接地近濇于遂爲杞有似非太公始封之地史記有獻公自

營邱徙臨淄之說而景公時實居臨淄晏子謂爽鳩居此太

公因之則又何說說者第據史記營邱邊萊之文謂營陵卽

營邱如據舊說萊都黃縣臨淄固不邊萊營陵亦不能邊萊

不知萊國並不都黃禹貢萊夷作牧在濇淄旣道之後濇水

旁實爲萊地

高密卽萊濇邑

淄水上亦有萊夷

詳萊蕪

東陽在臨朐逼

近萊城營陵固邊萊臨淄未嘗不邊萊也因一字偶同而武

斷之乃應氏之通病未足爲定論春秋僖公十四年諸侯城

緣陵杜注不言所在營陵近濇于詳瓚道元並以爲緣陵從

之紀年辨誤圖緣陵在今諸城無據

漢青州北海郡治營陵縣景帝中二年析齊郡置北海郡又平

壽縣斟縣桑犢縣

後漢書酷吏傳李章爲琅邪太守時北海安邱大姓夏長思

等反遂囚太守處興而據營陵城據此前漢郡蓋治營陵縣

章守琅邪在後漢初或事平後徙治劇縣也

營陵縣故城在南 里舊以昌樂營邱集為漢縣非也魏

志營陵有營陵城是後魏已非漢治當有兩城明矣水經注

稱營陵城南無水唯城北有白狼水與爾雅水出前左為營

邱不合營邱集在白狼水北與右其非漢城又明矣縣志稱

縣南有營邱城基址尚存 云在縣南二十五里通志作三十

里據水經注白狼水承營陵縣之

下流東北逕平壽城東則營陵城在平壽城南也平壽城在

縣西南三十里營陵城去縣斷不止二十五里與三十里縣

南五十里呂王社有縣之南正白狼水東南漢縣即此無疑

太公堂村約當在彼

齊乘北海縣下云昌樂即漢之營陵縣廢城在縣西 元初昌

樂廢故

云廢 又廢昌樂下云城東南十餘里有營陵城考昌樂營邱

集西北十餘里並無昌樂故城則逕以營邱集為昌樂廢城

是宋初已誤以昌樂為營邱 其云在北海縣西者 在西 即指

營邱集其謂在廢昌樂東南十餘里者即濰縣南之漢營陵

城紀要以在縣南者為誤蓋不知營陵當有兩城在昌樂者

與水經注不合也近志誤以後魏治為漢治反據白狼河在

其南與左與爾雅合以證酈注之非誤矣 濰縣之營陵城詢

或疑縣志通志所載即指昌樂營邱集耳然昌樂縣志以營

邱集為古營陵且云斷非濰縣之營邱城如濰縣並無此城

何不逕云濰志亦指營邱集而別指為濰縣之營邱城乎據

魏志既確有兩城據酈注營邱集又確非漢城據通志濰志

昌樂志濰實別有營陵城既在濰境又恰在白狼水南與左

與漢城合古城湮沒者甚多不得以土人不知為疑況呂王

社太公堂之稱名其緣營陵即

營邱之說而來直可臆斷乎

平壽縣故城在西南三十里

斟縣故城在南五十里

桑犢縣故城在東南三十里又稱高密城又稱故郡城詳下

後漢青州北海國平壽縣省斟縣入之為斟鄉和帝封北海王睦庶子斟鄉侯

威為北海王營陵縣省桑犢縣入之北海國徙治劇縣魏營陵未詳

所屬

晉青州齊郡平壽縣太安前屬北海城陽郡營陵縣初屬琅邪國後屬

元康十年屬高密國

晉志平壽屬濟南郡詳歷城魏志平壽晉屬齊郡從之又營陵

下云晉屬琅邪蓋城陽分北海琅邪置補三國志魏營陵屬

城陽恐未確

劉宋青州北海郡平壽縣營陵縣

水經注漑水東出桑犢亭東覆甌山故高密郡治世謂之故

郡城考漢高密為國治高密後漢無高密郡晉亦國非郡道

元稱故郡則非後魏郡治此為劉宋高密郡治無疑魏志營

陵有高密城微論營陵與高密縣後魏時中隔濇于夷安等

縣壤地不接而高密下自有高密城營陵安得有之則所有

卽桑犢城又無疑矣備考

後魏青州北海郡治平壽縣及膠東縣又膠州平昌郡營陵縣

地移營陵於今昌樂營邱集

寰宇記平壽縣後魏皇興三年置魏志無此文且劉宋所有

後魏膠東縣故城在東四十五里又名東下密城魏志膠東有逢萌墓蓋卽墨徙治膠東城膠東亦徙漢都昌地也寰宇記北海縣廢膠東縣在州東南八十里後魏皇興二年置魏志無此文齊天保七年廢考隋之下密卽後魏膠東既有東下密城不得別出後魏膠東城此唐縣樂氏誤以東下密爲隋膠東遂誤以此爲魏膠東也

高齊青州高陽郡治下密縣後魏下密疑已徙此但無的據故仍係之昌邑附存此說備考天保七年改北海郡爲高陽郡省膠東入下密周因之

齊下密縣卽今縣治或魏下密已治此齊省平壽人之或齊改平壽爲下密徙治於此皆不可知通典北海下云齊置北海元和志隋開皇三年置下密縣於

廢郡城中據此似齊置北海縣於此隋初改置下密矣考隋

志北海下云舊曰下密置北海郡魏志郡治平壽城蓋齊移郡治於此又改名高陽

後齊改郡曰高陽開皇初郡廢大業初改名北海據此是齊

改郡名時縣名下密不名北海也杜氏李氏並有誤 元和

志寰宇記北海縣皆不載齊改高陽郡疎漏甚矣

隋青州北海縣下密縣開皇初廢高陽郡六年復置膠東縣

旋改名濰水十六年於下密縣置濰州大業三年州廢改下密

爲北海又改濰水爲下密寰宇記隋義寧二年復置平壽按是年五月唐已受禪恐是武德之訛

開皇十六年至大業三年下密縣故城在縣西二里又曰西

下密城寰宇記北海縣廢西下密縣在州西二里隋開皇十

六年於北海縣置濰州移下密縣於此大業三年州廢縣併入北海縣按開皇十六年置州時縣名下密不名北海云於北海置州誤也州廢而下密還故治改名北海云併入北海亦誤也 齊乘北海縣大業末濰州廢移下密縣於此置北海縣考證云據隋書改下密爲北海非移置按于氏本寰宇記而語之不詳上文當先書移下密於西二里置字易改字則得之考證逕云非移置亦失考 紀要下密城在濰縣西三十里漢縣一云治今縣東南水經注濰水逕下密故城西是也後遷今治按在縣西者乃隋西下密城非漢縣且無三十里在縣東南者乃隋東下密城亦非漢縣

大業三年後下密縣卽後魏膠東縣城隋志下密下云後魏曰膠東後齊廢開皇六年復句改爲濰水大業初改名焉有鐵山漑水按此隋下密卽後魏膠東之明文大業三年改下密爲北海故改濰水爲下密俗曰東下密城以別於西也乃寰宇記東下密城下云隋開皇六年一本訛作七年廢下密東界爲膠東縣唐武德九年廢按隋初改膠東爲濰水終隋世無膠東縣如此城爲隋之膠東唐初始廢何以有東下密之稱耶唐膠東自是武德二年別置六年廢亦非九年與此城無涉齊乘本此云此城在昌邑東南俗曰密城距州不止四十五里是誤以漢密鄉爲隋東下密矣



唐河南道青州北海郡北海縣武德二年復於縣置濰州復置平壽

縣濰水縣膠東縣又置寒水縣並屬濰州四年膠東屬萊州六

年皆廢入北海寰宇記武德四年廢平壽似誤八年州廢來屬五代因之

唐濰水縣即隋東下密城

唐膠東縣故城在東南八十里寰宇記以此為後魏膠東按

後魏膠東即東下密城唐於彼復置濰水縣故別置膠東也

寒水縣紀要以為即古寒亭姑從之亭側有寒泥河即寒水

宋京東東路濰州團練治北海縣建隆三年於縣置北海軍乾

德初升濰州宋志作乾德二年寰宇記九域志通考皆作三年

金山東東路濰州治北海縣

元都省山東益都路濰州治北海縣

明山東布政司萊州府平度州濰縣洪武元年廢北海縣其地

直隸於濰州屬萊州府十六年降濰州為濰縣二十二年來屬

國朝山東布政司萊州府濰縣

縣志乾隆二十五年修知縣張耀璧沿革寒有窮之裔誤 漢多下密

少斟與營陵桑犢 隋於後魏膠東置下密按既知此後

魏何不列入膠東 唐青州部濰州謬 唐宋金元四代

惟宋列北海縣餘皆但書濰州繆 國朝載雍正六年裁

金州復州二衛不知與縣何涉

續山東考古錄卷之十四

滄州葉圭綬子佩甫述

萊州府下

膠州

周介國又莒介根邑莒故都

春秋僖公二十九年介葛盧來朝杜注在城陽黔陬縣漢志黔陬故介國後漢志黔陬有介亭今失其址

又襄公二十四年齊崔杼伐莒侵介根杜注莒邑今城陽黔陬縣東北漢志計斤下莒子起此後徙莒師古曰卽春秋左氏所謂介根也語有輕重後漢志黔陬下劉昭注計基城號

介國是混介與介根為一也今計斤城側有介亭後所附會

漢徐州琅邪郡黔陬縣計斤縣拒縣邾縣又青州高密國夷安

縣地張奴水發源夷安東南阜州北都泊亦夷安潭地膠東庸

生故里在州北七里庸村但未詳何縣地縣東界去壯武

黔陬縣故城在西南八十里又稱東黔陬城今名牧馬城其

西北隔膠水二十里有西黔陬城今黔陬社寰宇記稱二城

相去三十里今從州志詳下齊乘黔陬城在高密西六十里誤

計斤縣故城在西南五里今城子村

拒縣故城在東南四十五里又名王城今王昌社詳下

邾縣故城在西南 里水經注膠水出黔陬縣膠山即五

今鹵山北逕祝茲縣縣字疑衍漢志無此縣也故城東又逕邾縣故城西

又北逕黔陬縣故城西晏謨伏琛並云縣有東西二城相去

四十里有膠水非也相去以下八字為一句今二城相去二

十里縱古里較小亦不至倍差其數觀斯乃拒艾水也水出

拒縣西南拒艾山即齊記所謂黔艾山今鐵東北流拒縣故

城西世謂之王城又謂是水為洋洋水矣又東北逕晏伏所

謂黔陬城西四十里有膠水者也又東入海今膠水北逕晏

伏所謂西黔陬城東地理志曰膠水出邾縣疑即是縣所未

詳也按東城之西固膠水所逕而不能在其西四十里道元

斥晏伏之非是已但拒艾水於東城東南既折而東流直不

能逕東城之西況其西四十里乎寰宇記拒城在高密西南二十里今高密南有拒城河西北合五龍河其水不源黔艾山非東北入海其非拒艾水無庸辨而東去黔陬東城古里約得四十里疑晏伏誤以此水為膠水道元知其誤又誤以為拒艾水也至又東北逕晏伏所謂至者也二十十字義亦殊費解拒城在州東南已近洋水入海處已逕拒城西無又逕黔陬城之理似逕拒城西之下即接又東入海句此二十字蓋上下文之重出且有脫誤者 黔陬一縣兩城其同時兩城耶抑後所徙治耶或自東徙西或自西徙東自秦至後齊何代治何城均不可考或曰一縣兩城若東西壽光南北

博昌東西諸城皆非一縣有兩治亦非後所徙道元疑西城為邦縣城則後魏時縣治東城可知西城當別有本名余疑為古介國城也備考 拒城今猶名王城俗訛城為昌今洋水自發源至入海惟逕此一城在高密西南之說誤 邦城道元已自兩歧然漢志膠水發源邦縣當以前說為是 齊乘被城膠州西南七十里漢被侯國俗曰肥城音之轉也 記寰宇謂被城無跡可考當在臨朐者非是按一統志廢被縣又名木馬城然則是黔陬東城耳 後漢青州東萊郡黔陬縣葛盧縣北海國夷安縣地魏黔陬屬城陽郡葛盧未詳省否

葛盧縣故城未詳後漢志縣有尤涉亭姑尤本兩水蓋合流後通稱也當在

州東北境

後漢志北海有拒縣挺字訛也詳萊陽紀要稱改屬誤蓋省入

黔陬邦亦省入黔陬水經膠水出黔陬可證

晉青州城陽郡黔陬縣及夷安縣地元康十年黔陬屬高密國

劉宋青州高密郡黔陬縣及夷安縣地

後魏膠州高密郡黔陬縣及夷安縣地東武郡梁鄉縣地

魏志黔陬有黔陬城當指西城非移治又梁鄉有梁鄉城金

志膠西縣有梁鄉鎮或以為縣治者備考

高齊膠州平昌郡治黔陬縣周因之

隋志膠西下舊曰黔陬置平昌郡開皇初廢蓋自郿城徙此

隋膠西縣地開皇初廢平昌郡黔陬屬密州十六年析置膠西

縣大業初省黔陬入之又琅邪縣地隋志琅邪有徐山在州境

唐高密縣地諸城縣地後漢書淳于恭傳章懷注黔陬故城在

道記黔陬城在郡東北一百一十里西城五代因之

宋京東東路高密州膠西縣元祐三年析高密之板橋鎮及諸

城地置兼臨海軍使齊乘以板橋為唐鎮

宋膠西縣故城在西門外迤北今土城口

金山東東路密州膠西縣

元都省山東益都路膠州治膠西縣太祖於縣置膠州

元膠西縣即今州治至正十七年州縣並徙

明山東布政司萊州府膠州洪武初廢膠西縣其地直隸於州

屬青州府九年來屬附洪武二十一年置靈山衛

靈山衛故城在南微東九十里

國朝因之 裁靈山衛

州志舊志乾隆十七年修知州宋文錦沿革新志道光二十五年修知州張同聲葛盧下

稱尤涉亭為范氏原注按郡國志乃晉司馬彪撰 晉黔

陬高密國都引武英殿水經注按語晉黔陬為高密郡治

按晉志無高密郡惠帝元康十年置高密國附見於青州

郡國後據云又分城陽之黔陬等十一縣置此按語第以

此十縣雖稱十一縣實止十縣黔陬居首而云然夫晉志中首列之

縣非郡國治者甚多況附載之文乎 晉黔陬屬高密國

其前承魏猶曰郡也按魏無高密郡晉初亦無高密國

宋黔陬屬高密倚郭按據晉志附載之文以為晉國治且

不可以之例宋可乎 黔陬宋書州郡志屬城陽又云屬

青州高密郡按州郡志黔陬下稱太康地志屬城陽並非

宋屬城陽 齊有梁鄉周無並無依據 五代但書板橋

鎮何縣之鎮耶 國朝書裁衛明不書置衛不合

高密縣

周萊夷維邑後入齊維以濰水得名

續山東通志卷之十四 高密縣

漢志夷安下應初曰故萊夷維邑史記管晏列傳晏平仲萊夷維人也續通典高密春秋時晏平仲所食邑按唐高密卽漢夷安非謂漢高密也路史密國今高密有密鄉誤詳昌邑

漢青州高密國治高密縣漢初爲膠西郡屬齊國文帝十六年別爲膠西國景帝前三年國除爲郡王邛以反誅旋復爲國武帝元

封三年國除爲郡王邛無後宣帝本始元年復爲國改名高密又夷安縣石泉縣高密共五縣王邛時削國大半初領縣尚多也又北海郡膠陽縣

漢志高密國故齊文帝十六年別爲膠西國宣帝本始元年更名高密國蓋膠西治高密故宣帝改爲高密史記漢興以來諸侯王年表文帝十五年分國在十五年而十六年爲王邛元年分齊爲膠

西國都宛此密字形訛元和志文帝分齊立膠西國都高密是也乃徐廣注云樂安有宛縣水經注沿其誤稱膠西都高

苑見新城高苑屬千乘膠西本齊之膠西郡能治高宛耶三國志袁譚使王脩運糧於樂安聞譚急將所領兵往赴之至高密聞譚死云云是時譚被圍於南皮樂安縣今博興自樂安赴南皮逕高宛不逕高密此密字又宛字形訛與此相反而適相同通鑑胡注亦沿徐氏之誤

高密縣故城在西南四十里又名城陰城又名龍且城 高密南都城在西南五十許里並詳下

石泉縣故城在西南七十里水經注濰水自東武縣又北逕石泉

縣故城西又北逕平昌縣東密水兩源西源出奕山亦曰鄣日山諸城東十里東源出五弩山諸城東五十里同寫一壑北逕高密縣

西此入高密境注濰水自下亦兼通稱焉流歷縣西碑產山

諸城東北五非逕其城西又東北有故堰斷濰水廣六十許步掘東岸

激通長渠東北逕高密故城南明帝永平中封鄧震為侯國

縣南十里蓄以為塘方二十餘里縣南指下文縣城南故云

矣蓋南都城在十里若此城塘即在城南古所謂高密之南都也漑田一字有頃陂水

散流下注夷安澤自有故堰至此即膠水濰水自堰北逕高

密縣故城西漢文帝十五年別為膠西國又北昔韓信與楚

將龍且夾濰水而陣於此斬龍且於是水水西有厲阜據此

是高密有兩城在碑產山北者乃南都城道元係鄧震侯國

於彼稱城不稱縣或後漢別築侯城或前漢高密國已有南

都城均不可知近志惟以此為縣城非也元和志龍且城在

高密縣西南五十五里此蓋據隋縣言按注於濰水逕高密

縣城後指為韓信破龍且處如有是城不應失載考其時或

謂龍且曰漢兵遠鬪窮戰其鋒不可當齊楚自居其地兵易

敗散不若深壁令齊王使其信臣招所亡城云云龍且不聽

是龍且至此急欲一戰壁壘且未立焉有築城之事乎今龍

且城北曰城陰鋪據鄭康成碑高密城一曰城陰城據齊乘

龍且城一名城陰城是龍且城即高密縣城有明證矣世以

南都城為縣城而此城近破龍且處遂以龍且名之耳寰宇

記高密縣稱故城在縣西南四十里記云漢夷安縣今東南



密國故城在縣西南四十里按夷安城一條至屬高密國句已完其下當另有高密縣或高密國三字與下故城二字為一句合下文另是一條此蓋脫去三字混作此外無龍且城一條直似夷安故城又在西南四十里矣或有見於此史記樂毅傳樂臣公亡齊之高密是戰國已有此地名又曹參傳從韓信擊龍且軍於上假密文穎曰或以為高密章懷太子謂齊乘稱石泉城即昌安城即夷安蓋唐時高密治夷安城耳考證已辨其誤

夷安縣今縣治詳下

膠陽縣故城在西北三十里水經注膠水自黔又北過夷安

縣東縣西去濰水四十里又北逕膠陽東晏伏謂之東亭此膠

陽縣東境之亭膠水不逕膠陽城下自亭結路南通夷安地理風俗記曰濇于

縣東南五十里有膠陽亭此方是又東北張奴水今漲自夷

安東南阜下西北歷膠陽縣注於膠水之左東北為澤謂之

夷安潭互詳水考按唐高密即漢夷安元和志夷安澤在高密北

二十里今縣北二十里之百脈湖及東北二十里之都泊皆

古夷安澤今治仍唐舊即漢夷安城也近志或以膠陽城為

夷安城又或謂夷安城在南十五里皆非也又詳寰宇記

高密縣高陽故城漢縣在縣西北三十四里一名膠陽亭蓋

漢之高陽縣舊理又一條云廢高陽縣在縣西北四十三里

即上文里數而傳寫倒者齊天保七年云云詳臨淄按此俗訛膠為高樂氏

混入漢高陽州詳莒州已繆又混入齊之高陽縣一城兩見又似

縣有兩高陽城斯繆之繆矣齊乘沿其誤考證已辨之

寰宇記高密縣稻城舊地理書皆失所在今縣西南故維水  
堰之側漢朝於此立堰造塘溉稻田數千頃因以為名按舊  
既失所在第據地產稻而臆度之竊謂未當稻縣漢屬琅邪  
濰水堰以北皆高密國地能有琅邪屬縣乎其後又一條云  
萬疋梁郡國志高密縣西有鄭元宅亦曰鄭城元後移葬於  
厲阜墓側有稻田十萬頃一墓之側那得如許多田與前之  
數千頃皆失之多而水經注之一  
頃又何少耶此斷水造魚梁歲收億萬號萬疋梁此又厲阜  
等處皆有脫誤  
旁之稻田與前稻城無涉齊乘云稻城高密西南土人呼濰  
水堰為趙貞女防南有高堤謂是岑彭冢皆繆此即稻城遺  
蹟春秋稱琅邪之稻自漢有塘堰郡國志亦謂之鄭城旁有

稻田萬頃號萬疋梁按此又混稻城鄭城為一旦春秋時邾  
藉邠稻邠即漢開陽縣後漢琅邪國治徐陵因有藉琅邪之  
稻之語前漢地猶屬東海以為春秋琅邪可乎以為春秋之  
文可乎以為在高密國地可乎至通志遂有鄭康成故里在  
稻城之說然則鄭康成傳北海高密人當改作琅邪稻縣人  
矣展轉乖繆何其甚耶紀要稻城在高密西南五十  
里似誤以高密南都城當之  
又拒城在縣西南三十里疑後人因酈氏以黔陬西四十里  
之水為拒艾水而附會者詳膠州

後漢青州北海國高密縣建武十三年併高密國入北海中興  
省夷安縣安帝復又平昌縣地水經注引地理風俗記曰平昌  
昌縣東南四十里有石泉亭

于縣地涑于與膠陽平城密鄉皆中興省涑于復置三縣地屬之魏高密夷安屬城陽郡

齊乘高密縣禹初封國禹上脫鄧字

晉青州城陽郡高密縣夷安縣及平昌縣地涑于縣地元康十

年復置高密國晉後魏國郡治史無明文姑係此備考二縣並屬

晉志無夷安劉宋志夷安晉太康地志屬城陽魏志夷安晉

屬城陽則晉志闕也又晉志惠帝元康十年又分城陽之黔

陬壯武涑于昌安高密平昌營陵安邱大劇臨朐十一縣為

高密國按明言十一縣實十縣劇無大劇之名大字即夷字

缺文又脫安字也營陵以下四縣太康時已屬東莞

劉宋青州高密郡高密縣夷安縣及涑于縣地又平昌郡平昌

縣地劉宋高密郡治桑犢故城見雜縣或曰晉國治即在彼備考

後魏膠州高密郡高密縣夷安縣及平昌縣地平昌郡涑于縣

地高齊省涑于入高密夷安當亦齊省周因之元和志高密後齊廢誤

魏志高密有高密城當指南都城或曰已徙治即隋縣備考

又夷安有夷安城未詳徙治何所或曰即唐初高密備考

隋高密郡州郡高密縣膠西縣開皇十六年析黔陬置膠西縣大業

初省黔陬入膠西隋亂二縣廢

隋高密縣故城在東南二十里今故縣社寰宇記隋開皇中

於今縣東南三十里復置高密縣按或隋徙治耳非復置

膠西縣故城在東南三十里今朱晏城按晏子食邑於維即

夷安治此城側有晏王冢或俗因以名城歟又稱晏王城 舊唐

志高密隋末大亂廢之 寰宇記膠西大業九年因賊廢

唐河南道高密郡高密縣武德三年復六年省膠西入之五代

因之膠西亦唐初復

唐武德三年至五年高密縣故城在西北 里義城堡六年

徙漢夷安城舊唐志武德三年於義城堡置高密縣六年併

膠西兩縣移就故夷安城舊漢高密縣也高密國屬縣也 仍廢膠西

縣據此似高密膠西兩縣并徙治夷安城後始省膠西者 按括地志稱漢高密縣故城

在高密縣西北二十里括地志成於貞觀時高密卽今治漢

高密故城不得在西北也其時徙夷安城未久或以唐初所

治爲漢城耳紀要稱義城堡在西北一里據府志在西北一

里者仍夷安城故址未審紀要何據而云然也再考

宋京東東路高密州高密縣元祐三年復析置膠西縣

金山東東路密州高密縣

元都省山東益都路膠州高密縣

通典高密下古夷安城今縣外城寰宇記齊乘並同齊乘又

云西北舊城乃宋縣似誤以義城堡爲宋縣與寰宇記顯不

合矣通志據之謂今治乃元初所徙而漢夷安城在東南十

五里又謂今志所載山川古蹟里數較寰宇記偏西北十餘

里意謂宋自夷安城徙於今治西北十許里元又徙今治而

寰宇記高密縣理卽夷安城齊乘今縣理正古夷安城將何說以解之耶謂山川古蹟皆偏西北十餘里似元東南徙矣而膠西城記作二十里今作三十里膠陽亭記作三十四里今作三十里又似元代西北徙者復何說耶至厲阜漢高密城縣至諸城里數又皆吻合則濰水記在西四十里今作五十里膠水記在東三十里今作二十里隋高密城見前里數互異或水道移徙或傳寫訛誤縣爲夷安城三書既有明據則此亦不足疑矣

明山東布政司萊州府膠州高密縣洪武九年屬青州府九年屬府尋來屬

國朝山東布政司萊州府高密縣

縣志

卽墨縣

周夷國後入齊

春秋隱公元年左傳紀人伐夷杜注今城陽壯武縣

漢徐州琅邪郡不其縣皋虞縣青州膠東國壯武縣西北當有卽墨縣地

不其縣故城在西南二十七里今不其社

皋虞縣故城在東北五十里今皋虞社

壯武縣故城在西六十里今南古城

後漢青州北海國壯武縣中興省安帝復又東萊郡不期縣魏不期屬長廣郡壯武屬城陽郡

晉青州城陽郡壯武縣長廣郡不其縣元康十年壯武屬高密  
 晉書張華傳封壯武郡公考晉無此郡當是升縣置如羊祜  
 封南城郡侯之例但祜未受封則並未置郡而所屬五縣見  
 於本傳詔書華已受封則已置郡而所屬反不可考惠帝又  
 以屬高密則置郡未幾復廢耳元和志寰宇記並稱華封壯  
 武侯考華初封廣武縣侯非壯武 本傳又云所封壯武郡  
 桑化為柏五行志稱壯武國  
 寰宇記不其城晉於此置長廣郡第據晉志郡首不其耳考  
 劉宋明帝泰始三年沈文秀所署長廣太守劉桃根戍不其  
 城或晉宋郡治此亦未可知備考

劉宋青州長廣郡不其縣寰宇記壯武宋省泰始四年置東青州

後魏光州長廣郡不其縣高齊省入長廣縣周因之

隋東萊州即墨縣開皇十六年復置於此

隋即墨縣即今治通典即墨有樂毅城則隋復置於此而即  
 墨故地仍有析入者也寰宇記樂毅城係膠水則宋初已割  
 入膠水縣西北境當與今同矣

唐河南道東萊州即墨縣五代因之

宋京東東路東萊州即墨縣

金山東東路萊州即墨縣

元都省山東益都路膠州即墨縣至元二年省入掖縣後復

元志萊州下至元二年又省卽墨入掖而膠州仍有卽墨縣  
明史卽墨下云明初復縣學宮有王思誠碑董令重建廟學  
在至正十二年是元復置矣

明山東布政司萊州府膠州卽墨縣初屬青州府九年屬府十  
年還屬附洪武二十一年置鰲山衛雄崖浮山二千戶所

鰲山衛故城在東四十里 雄崖所故城在東北九十里

浮山所故城在南七十里

國朝山東布政司萊州府卽墨縣 裁衛所

縣志乾隆二十八年修沿革周夷國後入齊爲卽墨按卽

墨未必非夷地而縣並非古卽墨 漢膠東國景帝三年

爲郡按景帝三年王雄渠以反誅武帝旋封於此七年爲  
太子國除一年又封康王寄於此如志說是景三年後終  
爲郡矣不合況縣境有前漢琅邪二縣全境僅有膠東一  
縣之半不當獨載膠東而遺琅邪 建武中析不其爲汜  
鄉侯國按鄉侯仍隸於縣不可云析前漢何武封汜鄉侯  
在不其旋徙南陽犇縣後漢卓崇果否食此史無明文不  
載彼而載此亦不合 三國魏隸濟南郡按據脫誤之晉  
志以例魏已繆況與今縣無涉 晉隸濟南郡元康間分  
隸高密按此混卽墨壯武爲一 高齊以前皆古卽墨沿  
革 封建有膠東侯恁按誤膠陽爲膠東

萊州府補遺

山左金石志有漢鏡銘曰東萊壽光紀侯作鏡如有神考淄川國治劇縣卽古紀國不得又立侯國北海劇是縣侯國不能屬壽光後漢紀亭屬劇縣不屬壽光壽光亦從未屬東萊余謂此非地名乃人姓名也後漢書方術傳有壽光姓而侯名者能劾治鬼神此作鏡者似卽其人或本兩名史佚一字否則紀侯其字銘云如有神非能治鬼神者所爲乎縱非卽壽光侯以爲地名旣無一合則亦人姓名無疑也金石志未之考及以爲劇是縣侯國紀爲亭侯邑卽不復屬劇而當屬壽光不知紀在前漢是劇縣非亭後漢劇縣乃北海國治並非侯國又云東萊之平



度當利與壽光接壤安知壽光不會隸東萊史未之及乎夫平當壽光之間後漢尙有下密都昌平壽三縣壽光安得隸東萊乎又云西漢恩澤侯表有陳倉侯紀爲所作鏡未可知所考者紀亭侯乃以陳倉侯名紀者當之刺繆不值一辨矣

續山東考古錄卷之十五

滄州葉圭綬子佩甫述

青州府上

益都縣

漢青州治齊郡廣縣西北當有昌國縣地西境當有般陽縣地後漢州徙治臨淄魏

屬東莞郡

廣縣故城在西南四里水經注以爲舊青州刺史治亦曰青州城齊乘以爲元魏青州非是考證謂西漢青州治或以前漢刺史無常治爲疑然前漢刺史皆有常治見漢書高紀注詳總沿革惟班志不載故多不可考後漢魏晉劉宋青州無治廣縣者則

為西漢州治可無疑矣

近世稱縣為柳泉考柳泉漢北海郡屬縣其故城古無考及者紀要謂在縣西或曰在西北蓋因晉時慕容德攻廣固幽州刺史辟閭渾遣司馬崔誕戍薄荀固平原太守楊豁戍柳泉謂德從西來所戍必在西無他據但慕容德伐廣固先破琅邪莒城踰大峴而來經臨朐東境北海郡地錯出其間柳泉似當在縣東或東南不究當時進兵之路而於西北求柳泉縣西北正齊郡之腹裏能有北海地耶

互詳昌樂

晉徐州東莞郡廣縣永嘉五年築廣固城為青州治南燕慕容德都此東晉義熙中築東陽城為青州治

齊乘晉廢廣縣考晉志東莞有廣縣未廢也 皇輿表以今縣為益縣曹魏改益都移壽光補十六國志後趙齊郡首益都有廣固城繆矣

廣固城在西徼北八里東萊牟平人曹嶷為青州刺史所築水經注城在廣縣西北四里 晉安帝隆安三年慕容德建都於廣固城號南燕劉裕克南燕以韓範為燕郡太守通鑑胡注南燕於廣固置燕都尹晉改為燕郡太守耳補十六國志燕都尹即齊郡又稱京兆太守南史垣護之傳父苗仕慕容超為京兆太守蓋超都齊郡即以之為京兆郡耳又云南燕改益都為廣固縣按洪氏誤以今縣為曹魏益都故云然

考廣縣之廢史無明文水經注稱曹疑於廣縣西北築廣固城則西晉末猶未廢也南燕都此必有京邑而廣固名縣於古無據未敢從元和志益都縣本漢廣固縣之地漢無此名衍固字耳

東陽城今城北有遺址義熙五年劉裕滅南燕晉青州刺史羊穆之築水經注以在陽水之陽即謂之東陽城

劉宋青州治東陽城為臨淄縣地孝建二年移治歷城大明八年復故又僑冀州清河郡鄒縣地魏志東清河郡鄒縣有淄于髡墓寰宇記淄于髡墓在淄

川縣東六十七里今在縣西四十里髡墓寰宇記淄于髡墓在淄窩駝村又西北境當有僑武城縣地北海郡及都昌縣並寄治劉宋志青州下治臨淄而終宋之世青州並未治臨淄其時廣縣已廢則治臨淄者治臨淄之東陽城也魏志臨淄有堯

山可證 齊乘宋青州初理歷城後理東陽又移理臨淄誤

後魏青州治東陽城為臨淄縣地又廣川縣地齊州清河郡鄒縣地縣里有平昌社疑即後魏齊郡平昌縣故治又詳諸城

高齊青州治齊郡益都縣天保七年移益都縣來治又齊州東清河郡貝邱縣地郟省入也

舊唐志益都下魏於今壽光南十里置益都縣北齊移入青州城北門外為治所元和志益都縣魏於今壽光南十里益

都當作城置益都縣屬齊國宋及後魏屬齊郡開皇三年罷郡屬青州按不載齊移治則隋唐益都果安在耶寰宇記云魏於今壽光南十里置益都縣慕容德都廣固即此地齊天

保七年移於郡城之北門外今縣理也按據斯文義直似廣固城在壽光矣齊時尙未爲郡治書郡城追言之耳

宇文周青州總管府治齊郡治益都縣周移郡來治又齊州東清河郡貝邱縣地

通典北海郡下後周置齊郡是時州郡同治

隋青州北海郡治益都縣開皇初廢齊郡十四年廢總管府大業初

改青州爲北海郡又齊州貝邱郡淄川縣地改

唐河南道青州北海郡治平盧淄青節度治益都縣武德四年復置

總管府七年改都督府貞觀元年罷乾元後爲平盧淄青節度使治又淄川州郡淄川縣地五代梁唐因之晉改爲防禦州漢復

故周因之

平盧本平州地名乾元中侯希逸爲平盧節度使屢迫於賊乃收其軍達青州詔就加爲平盧淄青節度使自是淄青節鎮皆帶平盧之名

宋京東東路安撫使治青州北海郡治鎮海軍節度治益都縣淄化

五年改平盧淄青爲鎮海軍慶歷三年置京東東路安撫使又

淄川州郡淄川縣地

金山東東西路統軍使治山東東路轉運使治益都總管府鎮海軍節度治益都縣初置南青州後升益都總管府置轉運司大定八年置山東東西路統軍使又淄州淄川縣地金嶺鎮金尙隸淄川

府新志金太宗天會中北城頽廢始移益都於南陽城為益都府治自是府縣始並治一城又云南陽建置之始不可考按舊唐志北齊移治北門外東陽城北門也是時不但無南城並非治北城紀要引曾肇云東陽府治北城東陽非府名原文東陽城府治之北城也隋築益都城東陽并入焉既名益都城似縣治已移南城而寰宇記猶稱北門外為今理則隋未移南城矣又有稱元至元二年移南城者意者南陽雖築郡縣皆未移治觀并東陽入焉之句及今日東陽故址是東陽南陽已合為一城而縣治仍在北門外金元之世重築今城與東陽雖有兩名實其南半府治自北城縣治自北門外同時移入歟

元都省山東東西道宣慰司治益都路總管府治益都縣初設益都行省至元二年以行淄州及行淄川縣併入益都縣三年罷行省並臨淄臨朐二縣入焉十五年二縣復置

明山東布政司青州府治益都縣附初為山東都指揮司治又置青州左衛後司治移歷城

國朝因之 裁青州左衛

縣志康熙十一年修沿革不知為漢廣縣以為益縣已繆

並及利縣愈繆

博山縣

周齊馬陘邑史記齊太公世家作馬陵

續山東考古錄

卷之五 博山縣

春秋成公元年左傳晉師從齊師入自邱輿擊馬陘杜注但云齊邑今縣東北五十里有馬陵故城遺址尙存

禹貢萊夷作牧在濰淄既道之後水經注引舊說云齊靈公滅萊萊民流播此谷邑落荒蕪故曰萊蕪臨朐東陽城實逼萊都意者古青州域內萊夷雜處濰淄既道萊始作牧則此地本有萊民非由流播後人誤謂萊都黃縣故爲此說抑知萊邊營邱實近斯土乎前錄稱萊人遷萊蕪已久號其故國爲東萊竊謂未當

春秋定公十年公會齊侯於夾谷傳曰公會齊侯于祝其實夾谷杜注在東海祝其縣前錄疑之引金史云淄川有夾谷

山金志本九域志一統志云夾谷山在淄川縣西南三十里舊名祝

其山其陽卽齊魯會盟之處萌水發源於此水經注萌水出般陽縣西南甲山是以甲山爲夾谷也而萊蕪縣志則又云夾谷在縣南三十里接新泰界未知其所據然齊魯之境正在萊蕪東至淄川則已入齊地百餘里二說俱通按縣志謂夾谷卽縣南長峪道蓋卽水經注之萊蕪谷也其地在長城之南正齊魯接界處而地有萊夷兩山間如甬通與夾谷之稱尤合附此以備一說哀公二十五年閏邱嬰申鮮虞奔魯行及弇中注云夾道疑卽萊蕪谷水經注引應邵曰太山萊蕪縣魯之萊柞邑按左傳謝息辭以無山與之萊柞則山名非邑名漢萊蕪縣去臨淄百數十

里在長城嶺北乃齊地非魯地應說似誤

漢兗州泰山郡萊蕪縣

北境或有般陽縣地

後漢魏晉因之

萊蕪縣故城在東五十五里今城子莊亦名古城莊漢志萊

蕪下原山淄水所出在今縣西二十里是今縣約即古萊蕪

縣故境也

劉宋僑貝邱縣地牟縣地羸縣地後魏因之

魏志貝邱牟縣並有萊蕪城蓋自古

城分屬兩縣也又羸縣有馬耳山祠即原山又

高齊周貝邱縣

釋幕縣有隴水疑縣北境有其地又詳雜考

地羸縣地隋唐五代宋金淄川縣地金置顏神鎮

元益都縣地淄川縣地初於顏神鎮置行淄州並行淄川縣至

元二年省入益都

齊乘萊蕪故城在般陽東南六十里是今縣猶有元代淄川地

明因之

國朝山東布政司青州府博山縣雍正十二年析益都顏神鎮

及淄川縣地置

縣志

乾隆十九年修知縣富申孫文定公撰顏山雜記通判葉克登撰顏神鎮志

顏神鎮未置縣以前

建置周齊西南郊按縣去齊城二百許里似非郊外地周

以後即宋金境不知為漢萊蕪縣疏矣 劉宋齊郡般陽

元魏以般陽為東清河郡按此沿淄川志之誤 元魏名

貝邱今治及東南境屬之按東南境當屬牟今治或屬羸

萊蕪故城以北屬貝邱 齊改魯郡為任城郡按此言牟

羸所屬而二縣自漢迄後魏皆屬泰山與魯郡無涉 高

齊嬴牟般陽無所考按三縣齊皆可考詳臨朐萊蕪此般陽與縣無涉隋代并般陽入臨朐誤同

### 臨淄縣

上古至殷末爽鳩氏季荊逢伯陵蒲姑氏遞有其地周爲齊都

曰營邱周末爲田齊都曰臨淄又爲齊袁婁邑葵邱邑畫邑或

曰卽棘邑又紀鄗邑後入齊戰國曰安平邑西境當有渠邱邑地詳新城

春秋昭公二十年左傳晏子曰爽鳩氏始居其地季荊因之

毛詩孔疏有逢伯陵因之蒲姑氏因之杜注爽鳩氏少皞氏

之司寇季荊虞夏諸侯逢伯陵殷諸侯姜姓蒲姑氏殷周之

間代逢伯陵按爽鳩官名蒲姑國名季荊逢伯陵人名少皞

迄周初詎止數人蓋古風質樸以官名人名爲國名耳杜氏亦第約略其世代今第渾言之不復分敘

太公始封營邱或云卽臨淄或曰卽漢營陵縣紛無定論雖然竊嘗論之孟子云太公始封地止百里臨淄營陵相去將二百里封於彼不能有此封於此不能有彼而春秋之初齊實都臨淄以封止百里之國而徙都二百里外恐不然也況春秋初齊之東境不逾百里知者其正東十許里紀鄗邑也其東稍南數十里紀都城也其東南數十里或百許里紀之邾郚等邑也是紀國地環列齊之東境至今歷歷可指漢營陵隔在諸邑之東又百許里春秋初齊未滅紀謂周初越其



界而有其以東之地似無此理顏師古調停兩說謂兩地皆營邱殊無依據詩云子之營兮遭我乎狺之間兮狺山在縣南則營邱縱與臨淄爲兩地約亦不甚相遠紀侯大去其國齊始闢地而東滅萊之後方極姑尤後人但據以後之齊漢營陵亦在其境遂有始封在彼之說至昌樂之營邱集不但非周營邱並非漢營陵近志乃以爲太公始封地亦足哂矣春秋成公二年齊侯使國佐如師盟於袁婁穀梁傳謂去國五十里後漢志臨淄下劉昭引博物記曰臨淄縣西有袁婁按漢西安縣東去臨淄僅三十里袁婁似不在臨淄境或曰旣云在臨淄西則當在西安東但去齊城太近與五十里之

數迴不符合古國最恥城下之盟去城一舍內者皆城下之盟也齊晉同爲大國狎主齊盟雖時方告敗以頃公之剛很國佐之有辭豈甘城下之盟盟必於五十里之袁婁以此西安故城在今新城袁婁故址疑在新城東境但別無的據故仍係臨淄備考

又莊公八年左傳齊侯使連稱管至父戍葵邱杜注臨淄縣西有地名葵邱水經注系水自梧臺南又西逕葵邱北又西逕高陽僑郡南引京相璠曰齊西五十里有葵邱考高陽郡城在縣西北三十里葵邱尙在其東元和志稱在臨淄西北二十里作五十里似傳寫之訛新府志謂卽渠邱水經注不言一

地且葵邱在系南時水北渠邱在時水南未敢從

孟子孟子去齊宿於晝四書釋地曰晝當作畫不待言齊西南近邑集注本趙氏及劉熙來但括地志以晝卽戟里城在臨淄城西北三十里余謂孟子去齊歸鄒鄒實在齊之西南上云南者是新府志謂卽春秋齊大夫山之棘邑以在稷山之東謂之棘在澧水之西謂之畫又云水經注謂去齊十八里括地志謂去齊三十里均據古城而言而酈注爲密按寰宇記棘下爲齊城內地名此條誤係益都而後漢志晉志西安並有棘里亭蓋棘下卽稷下而棘里自在縣西府志與括地志卽戟里城說合備考 漢書功臣侯表有澧清侯參卽此

春秋莊公二年紀季以鄫入於齊杜注在齊國東安平縣漢志東安平下孟康曰紀季以鄫入於齊今鄫亭是也後漢志東安平有鄫亭是鄫邑在東安平非卽東安平城也而水經注云女水東北流逕東安平縣故城南城故鄫亭也夫孟康時東安平縣如故則所記鄫亭必非縣治酈注似誤今鄫亭失其址姑從俟再考 史記田敬仲世家田常割齊自安平以東至琅邪自爲封邑又田單封安平君

漢青州齊郡治臨淄縣高祖元年臨淄王田都都此二年爲齊國都田都降楚田假王齊五年爲臨淄郡治齊王韓信徙楚六年以臨淄等六郡封子肥爲齊王知信徙封後入漢六年復爲齊國武帝元朔二年國除爲齊郡厲王爲臨淄郡也

後漢書高五王傳文帝元年齊哀王薨子文王則嗣十四年薨無子國除按哀王十四年文帝十五年也十六年悼惠王子楊虛侯將閭紹封不元狩六年復為國元封元年復為郡懷王閔卒無後

又西安縣地故城在縣西三十里又留川國東安平縣西北當

郡後漢樂安國地未詳屬何縣

臨淄縣故城即古齊城在今城西北有遺址 後漢書耿弇

傳攻臨淄入據其城張步號二十萬眾至臨淄大城弇先出

淄水上故示弱以盛其氣乃引歸小城陳兵於內云云又自

引精兵以橫突步陳於東城下大破之據此是漢時臨淄有

兩城東城即大城伏琛三齊記云小城內有漢景王祠是南

北朝時猶是兩城疑大城本齊城外郭漢因其址別築東城

為州郡治而小城為縣治歷城有州城縣城即其例也

東安平縣故城在東十里又名石槽城括地志作十九里據

古城言也漢書高五王傳元朔中武帝為悼惠王冢園在齊

安平近臨淄而屬菑川之故矣 唐天復元年王師範帥登

萊兵拒朱友寧於石樓通鑑胡注據舊唐書石樓近臨淄疑

即石槽城後漢青州治齊國治臨淄縣及西安縣地又北海國東安平縣

魏景初三年齊國為郡王芳立為帝晉復為國東安平屬齊國青州

治移廣固城

寰宇記臨淄縣後漢為營陵縣晉復為臨淄按營陵自是北

海舊屬臨淄後漢未改名

劉宋青州齊郡治臨淄縣又僑冀州高陽郡治未詳何安平徙

治臨胸境

僑高陽郡故城在西北三十里有遺址魏志青州高陽郡故

樂安地劉義隆置魏因之是宋魏高陽郡非兩地矣縣西北

接高苑正樂安郡地而水經注以為魏立似誤紀要誤係高苑

宋安平徙廣饒改置千乘魏志廣饒有吳頭山似即菟頭

山在今縣東南二十里一名鼎足山廣饒或移治東安平地歟

紀要臨淄有重合城引魏收曰重合故臨淄地也考魏志青

州渤海郡故臨濟地領重合等三縣今本濟訛淄顧氏不辨

為字誤又移此注於重合下妄臆在臨淄北繆甚

後魏青州齊郡治臨淄縣及廣川縣又高陽郡治

魏志廣川有牛山仲父冢黑山石硯山齊桓公冢四豪冢皆

今縣境或益都北境地其故址雖無考要在縣境也東魏以封延之

為青州刺史代侯淵淵既失州任而懼行及廣川遂反而夜襲青州是時州治即東陽城廣川當在益都西北三四十里

在縣南宋武帝初置廣川縣在今長山旋改武强大明元年

省廣川之棗強渤海之弓高更立廣川其廣川郡即今長山

其渤海郡在今高苑臨淄西境乃其高陽郡地似廣川不能

置於縣境魏諸僑縣固多因宋舊亦間有改移此縣疑後魏

徙治也故宋闕書俟考

高齊青州齊郡治高陽縣天保七年移高陽郡於今濰縣於郡

城置高陽縣省臨淄入之齊郡仍治縣之臨淄故城又益都縣

地 隋志益都有稷山 周移郡治益都

隋青州北海郡臨淄縣開皇十六年復又析高陽置時水縣大業初

高陽時水並廢隋志臨淄亦有稷山蓋復置後自益都割屬其益都下亦書者沿齊舊未改耳

寰宇記臨淄縣隋開皇十六年移高陽縣理此改為臨淄縣

考隋志臨淄下及東安平西安並後齊廢齊所廢之安平西

以為漢舊治故係於此 開皇十六年又置臨淄及時水縣大業初廢高

陽時水二縣入焉據此是大業初高陽始廢烏有開皇十六

年移治改名之事乎其高密下一條云廢高陽縣在縣西北

四十三里此三十四里之訛詳高密 齊天保七年置開皇六年當作十於

東界置時水縣大業九年因賊破今為高陽村夫高密西北

乃膠陽故城俗訛膠為高樂氏因誤將臨淄西北之高陽故

城係於彼不然何以析東界置時水縣耶蓋齊移高陽郡於

下密因置高陽縣故云齊天保七年置未復置臨淄以前臨

淄故城本屬高陽縣隋析高陽置臨淄樂氏誤作移高陽於

臨淄抑知大業九年始以亂廢為高陽村即樂氏所自言高

陽未移臨淄尙待辨哉或調停隋志樂氏兩說謂隋移高陽

治臨淄復別置臨淄縣大業初又移入故臨淄城廢高陽時

水入焉蓋因高陽既移臨淄城則隋志所謂又置臨淄者自

是別置抑知兩說中皆無別置之文欲調停兩說與兩說皆

不合矣亦未見高密下明文故不知樂氏之誤也

時水縣城今無址據寰宇記見上當在高陽故城東今縣之西

也舊說即高陽城亦因高陽移臨淄城致誤 舊唐志臨淄

治古齊國城久廢隋復置此又高陽未移治臨淄臨淄未別

置之明證

唐河南道青州北海郡臨淄縣武德初復置時水縣安平縣八年省

時水入臨淄安平入博昌疑其北境入博昌耳五代因之

宋京東東路青州北海郡臨淄縣

金山東東路益都府臨淄縣

齊乘臨淄縣自注元和志云縣理即臨淄古城然則唐縣在

古城今縣理小城相去僅十里疑亦金亂所徙按元和志牛

山在南二十五里今在南十里則城南徙矣

元都省山東益都路臨淄縣至元三年省入益都十五年復

明山東布政司青州府臨淄縣

國朝因之

縣志康熙十一年修知縣鄧志簡略甚近復殘缺名都大邑當急圖修整者

博興縣

殷薄一作蒲姑國周齊胡公徙都於此獻公復還臨淄又齊貝邱邑一作沛邱

薄姑國城在東南十五里今柳橋書序成王既踐奄將遷其

君於蒲姑傳以蒲姑為奄君之名孔疏奄外更有薄姑按蒲

姑非奄君名固已成王未踐奄以前自是兩國若四國作亂之時奄已遷於薄姑則薄姑便是奄四國者曰管蔡商奄益以薄姑則五國矣今縣東北十許里有奄城俗曰嫌城即奄君所遷 括地志元和志並云薄姑城在博昌東北六十里考水經注濟水東北逕樂安故城南注云伏琛齊記曰博昌城東北五十里有南北二城相去三十里隔時濟二水指此為博昌北城非也樂安與博昌薄姑分水俱同西北薄姑去齊城六十里樂安越水差遠驗非尤明濟水又東北逕薄姑城北在臨淄縣西北五十里按南北二城南博昌北樂安也伏氏以樂安為博昌北城道元證其非言薄姑與樂安俱在

博昌西北薄姑城與博昌城隔時水而甚近樂安城並隔濟水而差遠況一則云去齊城六十里一則云在臨淄西北五十里本五十許里各舉成數是薄姑城在博昌西北數里耳元和志博昌東南至州百二十里則至臨淄當六七十里薄姑安能在其東北且六十里哉注引齊記博昌城西北五十里博昌乃臨淄之訛下文南城方是博昌與北城相去僅三十里不得先云西北五十里也觀貝邱在博昌南而去齊城四十里博昌城在薄姑東南在齊城西北五十里明矣括地志因此誤文以南城在博昌西北五十里薄姑城又在南城西北故云六十里不知南城即博昌也如非博昌則何城耶云東北亦

誤或曰據隋縣言 齊乘云元和志薄姑城在博昌東北六  
十里今博興東北俗呼為嫌城者是又書序成王伐奄遷奄  
君於薄姑奄在魯不知薄姑又是何地按此沿元和志誤又  
誤以奄城當之紀要微論去古博昌今博興皆無六十里且  
在濟北以為薄姑可乎若薄姑城在此國即在此乃云不知  
是何地何耶

春秋莊公八年左傳齊侯田於姑夢遂田於貝邱杜注姑夢  
貝邱皆齊地應劭以漢貝邱縣為齊所田顏師古已證其誤樂安博昌縣南有地名  
貝邱水經注京相璠曰博昌南近澠水有地名貝邱在齊城  
西北四十里齊乘云在博興南五里誤以今治為漢博昌也

或曰姑夢即薄姑近是

漢青州千乘郡樂安縣博昌縣高昌縣又齊郡利縣

樂安縣即今縣治據水經注樂安城在濟水北薄姑城東北  
今治正其地蓋博昌自唐徙漢樂安城後未再徙也詳下

博昌縣故城在東南二十許里今博昌鎮通鑑胡注博昌地名戰國時有之漢  
志博昌下應劭曰昌水出東萊昌陽臣瓚曰從東萊至博昌  
經歷宿水不得至也取其嘉名耳師古曰瓚說是余謂博昌  
指薄姑言 九域志博興有博昌鎮即漢治 齊乘博昌古  
城博興南二十里亦呼薄姑城蓋俗與薄姑城混為一也  
高昌縣故城在西南五里水經注濟水自平州即又東北逕

高昌縣故城西世謂之馬昌城又東北逕樂安縣故城南接  
平州內平安城在博昌西三十里高昌城在平州東北樂安



西南一統志以為在縣西南五里是也紀要稱在利城東北繆

利縣故城在東南四十里今利城店水經注濟自薄姑城北又東

北過利縣西晏謨曰縣在齊城北五十里又時水逕博昌城

北又東北逕利縣故城北又東北逕巨淀縣故城北今利城

店在博昌鎮東樂安縣西即巨淀城南去臨淄四十許里北瀕時

澗故道即漢利縣無疑齊乘云在樂安西北二十里是又云

在古千乘城東則甚誤禹貢錐指改河水所逕之蓼城作利

城詳利津及水考齊乘考證反據之稱利城不在博昌東南繆矣

後漢青州樂安國樂安縣博昌縣利縣魏因之

晉青州樂安國博昌縣省樂安縣入之據伏琛齊記樂安稱北博昌城晉志無樂安則

晉省入博昌矣紀要稱晉省博昌縣誤又利縣

晉志樂安國有利益縣考利益乃兩縣魏於益縣置益都縣

劉宋後魏志益都下並云魏立無與利並作一縣之說亦無

晉省益都之說而晉志無益都考史記徐廣注益縣在樂安

廣劉宋人宋無益縣所言乃晉制蓋晉改益都復名益後漢

志樂安領九縣利第七益第八晉志誤作一縣耳或曰徐氏

據後漢言晉益都實因魏舊晉志脫去都字遂與利混為一

亦通況兩縣中有廣饒東安平臨淄三縣地相隔尤無省并

為一之理今不從

劉宋僑冀州樂陵郡樂陵縣又陽信縣地移博昌於今壽光地

後魏青州樂陵郡樂陵縣又陽信縣地

僑樂陵縣故城在唐初博昌縣東十二里魏志青州樂陵郡

故千乘地劉義隆置魏因之樂陵有姑城陽信有博昌城

又有千乘城是僑陽信兼有漢千乘博昌樂安之地僑縣大於實

土或曰所有之博昌城乃博昌北城即樂安城未知是否今未詳其縣治所在故於

高苑亦書地字俟再考 宋於千乘郡僑置樂陵郡而高陽

郡則在樂安即千乘改名也渤海郡在臨濟又樂安治所也

蓋於一郡之地兼僑諸郡或謂千乘樂安臨濟皆指縣名而

陽信何又有博昌城耶 通鑑胡注博昌漢古縣後魏置樂

安郡及樂安縣隋改為博昌按後魏樂安郡不在此亦無樂

安縣

高齊青州樂安郡樂安縣改樂陵為樂安周因之

隋青州博昌縣開皇十六年改樂安為博昌大業初省新河

縣入博昌 今隸樂安

元和志博昌縣東南至州百二十里本漢舊縣屬千乘郡後

今本脫此字 漢屬樂安國晉宋後魏並同高齊省 宋以後之博昌縣在壽光此誤

仍自今縣東十二里樂陵故城移樂陵縣理此屬樂安郡隋

開皇三年罷樂安郡屬青州十六年改為博昌縣又云濟水

北去縣百步按隋志博昌舊曰樂安開皇十六年改焉是齊

縣不名樂陵當是移治後改名元和志失載寰宇記云開皇

三年罷樂安郡樂陵屬青州尤不合唐總章移治後至今未

再徙元和在總章後博昌當即今縣而實非也今治在濟水

北此城在濟水南志云北去縣百步乃濟在北而去縣百步也元和志書法每如此如作濟在南而北

至縣百步則大繆矣元和志多因隋代舊文稱隋年號上無隋字者皆隋代舊文也此縣

屬青州開皇時事則及之大業廢州縣屬北海郡已不載是

大業時事尚未及非唐總章後之博昌明矣漢治在時水南

此城濟在北僅百步其間不能更容一水但時濟之間並無

隋城或曰齊移漢博昌城故隋改名博昌元和志誤以時澗

為濟耳備考

唐河南道青州北海郡博昌縣武德二年復置樂安縣屬乘州八年

省樂安及安平入博昌省新河入千乘武德二年復博昌來屬五代

梁因之唐改博興晉漢周因之

唐博昌縣即漢樂安縣城唐駱賓王與博昌父老書云聞移

縣樂安故城蓋自隋縣逾濟而北徙今治也新唐志武德八

年省樂安安平入焉舊唐志博昌下云漢縣治故郡城其下

仍有樂安縣下云隋縣武德二年屬乘州州廢屬青州總章

二年移治今所夫樂安已省何以復書既云移治必非已省

反覆參究殊多疑竇迨讀至千乘縣始知樂安二字乃伊處

逸文錯出於此也舊唐志各縣曾屬某州無不畢載博昌曾

屬乘州不當獨略試將樂安二字作衍文讀去則云漢縣者

漢舊名也治故郡城者博昌當齊周隋初名樂安唐人誤以

爲古樂安國與郡城後漢書改千乘爲樂安國章懷注樂安故城在今青州博昌縣南通典博昌下漢樂安國城在東南可爲明證又云隋縣者博昌之名又隋所改也武德二年屬乘州州廢屬青州總章移今治其爲博昌尤明蓋樂安已於武德八年廢不但無移治之事並無屬青州之事唐初復置樂安於漢樂安城後省入博昌總章二年移博昌於其故城首尾三十字皆博昌下文增損一字不得樂安爲衍文可無疑義千乘下云武德二年於縣置乘州領千乘博昌壽光新河五縣明言五而數則四樂安與乘州同置同廢其屬乘州可知則此處適脫樂安二字亦無疑義舊唐志縣名與注皆

作大字二縣又相次比傳寫者此脫彼衍耳或謂齊已徙今治隋復他徙唐復徙還謂舊志博昌下衍一郡字城字改在樂安下則爲治故樂安城本隋所徙故云隋縣蓋誤以齊徙爲今治又不能謂唐未徙治遂撰出隋復他徙一節以便唐復徙還夫縣治移徙苟非古有確證斷不可但憑臆揣以就已說況他徙之辭於古無實據之書於今無確指之地是又因隋縣四字而重其誤抑知只樂安二字衍文正不必曲爲之說

宋京東東路

青州北海郡

博興縣

金山東東路益都府博興縣

續山東考古錄

卷之五 博興縣

續山東考古錄 卷之五  
元都省山東益都路博興州元升博興縣為州

明山東布政司青州府博興縣洪武二年降博興州為縣  
國朝因之

縣志

續山東考古錄卷之十六

滄州葉圭綬子佩甫述

青州府中

高苑縣

周齊狄邑 亦作翟

史記田單攻狄三月不下按卽漢狄縣後漢志臨濟下劉昭

注地道記曰狄伐衛懿公按伐衛之狄非此 縣有衛靈公冢按魏志長樂縣

有王陵冢衛靈疑王陵之訛

漢青州千乘郡治千乘縣又狄縣被陽縣又高苑縣地 濟川墟是

千乘南北二城在北二十五里 二城隔會水卽濼也或一縣城一郡城或縣徙治均未詳

狄縣故城在西北二里寰宇記稱如狄城未詳  
被陽縣故城在西八十步

後漢青州樂安國治臨濟縣永平三年爲千乘國四年爲郡王建

卒無建初四年仍爲國永元七年改名樂安和帝紀改千乘國爲樂安國章懷注

後千乘故城在今淄州高苑縣北樂安故城在今青州徙封移治狄縣

博昌縣南按改國名樂安與樂安縣無涉注殊混徙封又千乘縣又高

永初二年改狄爲臨濟質帝時國除爲郡渤海苑縣地魏因之晉初爲國元康中爲郡殤王籍省千乘縣

通鑑章邯已破陳王乃進兵擊魏於臨濟胡注後漢志陳留

郡平邱縣有臨濟亭水經注曰田儋死處史記正義曰今齊

州臨濟也又云故城在淄州高苑縣北二里余按胡正義所

云臨濟田儋起狄縣是也非魏王咎所居臨濟也後漢志及

水經注爲是按田儋起於千乘之狄縣而死於陳留之臨濟

楚漢之際狄無臨濟名臨濟無狄名後漢安帝以田儋起於

此而死於彼狄縣恰臨濟水濟水又有狄名遂改狄爲臨濟

正義以後漢臨濟縣爲秦臨濟亭而齊州臨濟乃漢朝陽營

縣地旣知故城在高苑又引隋唐臨濟何爲乎齊乘以平邱

臨濟爲故狄地蓋誤於水經注臨濟故狄之文耳 齊乘臨

濟後省入高苑考劉宋於臨濟置渤海郡高苑亦僑置平原

等縣高齊省并諸縣高苑故地有入長樂者謂省高苑入臨

濟則大誤

晉志樂安國首高苑或據此謂晉國治移高苑考晉志居首之縣非郡國治者甚多未敢從

劉宋僑冀州渤海郡治長樂縣宋僑置長樂於臨濟城郡治縣之被陽故城樂安郡移治今樂安臨濟移今齊東境又樂陵郡陽信縣地有千乘城詳博興後魏渤海僑郡屬青州

魏志青州渤海郡故臨淄地考水經注臨濟有南北二城隔濟水南城即被陽縣故城今渤海僑郡治據寰宇記宋長樂縣即臨濟城此淄字乃濟字訛耳 劉宋志渤海太守長樂令下晉之長樂郡也疑是江左省為縣至是又立按晉長樂郡析渤海置乃實土與此無涉江左省為縣又僑置於南冀

州者與此尤無涉 寰宇記高苑縣千乘故城條云宋置樂安郡於此按宋樂安郡移置漢巨淀城此誤詳樂安紀要宋長樂縣即今高苑縣治誤

高齊青州

郡長樂縣周因之

齊長樂縣即今縣治寰宇記被陽故城在縣西南八十步齊自如狄故城移長樂縣理此按縣治高齊迄今未再徙蓋於故渤海郡城東北隅立縣治城小於古城後古城廢而西南八十步有遺址非截然兩城故記謂移治被陽故城也又云齊廢渤海郡長樂屬長樂郡考隋志高苑下不書齊置長樂郡他縣亦無此郡未知所據闕疑俟考

隋齊州高苑縣開皇十六年改長樂為會城縣大業三年又改

隋亂廢

隋取縣東南平安故城俗名改長樂為會城紀要疑會城縣

治彼非是寰宇記隋取縣東南高苑故城為名蓋漢高苑東

城元以前本屬高苑也紀要稱高苑故城在高苑東北繆

唐河南道淄川州郡高苑縣武德元年屬鄒州八年來屬元和十

五年省濟陽縣入之今隸鄒平五代因之

宋京東東路淄川州郡高苑縣景德三年於縣置宣化軍縣屬焉

尋以縣令兼軍使還屬

宋志景德三年以縣置宣化軍尋廢軍為縣隸州即縣治置

軍使按初非改縣為軍後亦非廢軍為縣縣治猶置軍使則

軍號並未廢特以縣兼之仍屬州耳

金山東東路淄州高苑縣除宣化軍號

元都省山東益都路高苑縣南境析入新城

明山東布政司青州府高苑縣

國朝因之

縣志乾隆二十二年修沿革夏禹青州之域地名宛牆按

高苑為齊苑囿俗傳耳豈夏后氏已有此名耶 漢初為

丙倩侯國復析置翟被陽高苑三縣按此沿齊乘之繆而

愈甚者齊乘云漢初為丙倩侯國後為縣抑知漢侯國即



繆

晉封裴秀為侯國按封以高苑濟川墟方六十里非

統一縣封之也 唐析置濟陽縣引齊乘云在濟南府東

北九十里按齊乘引寰宇記誤在州北作縣北此又誤作

濟南府直以為今濟陽縣矣 宋置宣化軍金復高苑誤

樂安縣

漢青州齊郡鉅定縣廣饒縣千乘郡琅槐縣後漢三縣並廢或云廣饒未廢或云後復魏因之

鉅定縣即今縣治

詳下

廣饒縣故城在東北二十里水經注

自東安平縣北

又東逕巨淀縣

故城南縣東南則巨淀蓋以水受名又東北逕廣饒縣故城

南又時澠水

自利縣北

又東北逕巨淀縣故城北又東北逕廣饒

縣故城北是巨淀城在安平東北利縣東淄北時澠南巨淀

西北今治在石槽城東北利城店東二十里淄水在城南二

十許里福民河時澠道也在其北清沙泊巨淀湖也在其東

南其為漢巨淀縣城明矣舊謂今治為廣饒城果爾則巨淀

城當在今治西是巨淀城與巨淀中隔一廣饒縣巨淀安能

在其東南且不當以巨淀名縣矣紀要禹貢錐指並云廣饒

城在縣東北二十里從之

琅槐縣故城在東北 里水經注應劭曰博昌東北八十

里有琅槐鄉故縣也當在縣北稍東舊說在東北百十里則

至博昌故城不止八十里矣似誤俟再考

元和志千乘縣千乘者以齊景公有馬千駟敗於青邱得名  
今縣北有青邱因以為名寰宇記同考千乘故城在高苑北  
既是千乘縣所由名則與劉宋後之千乘縣無涉矣齊乘於  
千乘故城引此最當又引縣北有青邱灤即今清水泊又引  
子虛賦注云青邱山在海外出九尾狐蓋瀕海耳按清水泊  
即巨淀不惟不在千乘故城北並不在今縣北子虛賦自指  
海外之青邱服虔曰青邱國在海外東三百里更無容與此青  
邱牽混子氏又於下加灤字山名變作水名而牽入清水泊  
或據此謂樂安為齊青邱邑水名又誤作邑名矣今不取

後漢志無廣饒縣而魏志廣饒下云二漢晉屬補三國志云

漢中興後省疑漢末復立理或然也

晉青州齊郡廣饒縣及樂安國博昌縣地琅槐後漢省入博昌

劉宋僑冀州樂安郡治千乘縣宋移郡來治巨淀故城並復置

千乘縣於此廣饒疑徙東安平地見臨淄後魏樂安僑郡屬青州齊周因之

隋志千乘下舊置樂安郡開皇初廢是齊周皆因魏舊

隋青州北海郡千乘縣開皇初廢樂安郡來屬十八年析博昌置新

河縣大業初省入博昌新河縣即琅槐故地宋魏齊周末詳屬何縣

新河縣故城在北少東一百里今新河鎮九域志千乘有新

鎮即新河故治也紀要引志云在縣西南考隋置新河以博

昌東北土宇遼闊故也若縣西南乃博昌東南去縣及臨淄

皆不過三四十里何須別置一縣乎新河鎮在大河漯河入

海處或故道有改移因以名縣縣西南無由以新河名縣也

唐河南道青州北海郡千乘縣武德二年於縣置乘州復置新河縣

六年省入千乘八年州廢來屬五代因之

宋京東東路青州北海郡千乘縣

金山東東路益都府樂安縣天眷元年改金志不載何年改茲姑從縣志

寰宇記千乘縣隋移縣於今所即漢廣饒縣地高苑下千乘

故城條云宋於此置樂安郡開皇三年移千乘縣於廣饒城

齊乘紀要廣饒城隋縣廢改置千乘縣此廣饒城劉宋已廢此誤金人又

置樂安縣於今治按隋徙廣饒既難深信金徙今治更少實

徵考隋志千乘下云舊置樂安郡蓋自劉宋以來千乘故城

屬陽信僑縣則千乘縣早非舊治隋志稱舊郡乃宋魏齊周

之樂安郡即宋魏齊周之千乘縣樂氏不知劉宋已徙千乘

於此誤稱置郡於古千乘城而隋唐宋之千乘縣卻非漢治

遂以隋廢郡之年作徙縣之年一經道破其誤顯然或謂宋

徙廣饒城隋又徙今治今治至府八十里淄水在南二十里數

皆與元和志同說自可從但隋代本無徙治事樂氏因不知

千乘故地早屬僑陽信樂氏於陽信縣反而有此誤正不必

曲為之辭也禹貢錐指曰晉復置廣饒劉宋改曰千乘歷代

因之金改曰樂安是今治卽劉宋所徙最爲卓見樂氏或曰  
廣饒地或曰廣饒城蓋廣饒復置巨淀故城實屬之宋徙治  
時巨淀故城猶存徙於廣饒之巨淀城不知者遂謂徙廣饒  
城耳金徙今治遍考無此說今治卽唐宋縣治歷有明據因  
不知徙廣饒時卽今治以金改今名遂謂金徙今治與樂氏  
之誤正出一轍 舊唐志千乘縣漢千乘國當作郡後漢樂安  
郡當作國宋齊廢隋置千乘縣按此竟不知隋縣非漢治宋有  
千乘當是高齊廢然齊千乘並未廢繆甚

元都省山東益都路樂安縣

明山東布政司青州府樂安縣

國朝因之

縣志雍正十一年修建置漢樂安當在博昌南誤 北齊

改博昌爲樂安乃省樂安入博昌按齊改樂陵爲樂安樂

安晉省非齊省 千乘南北二城濟水行其間故曰臨濟

按誤以狄與被陽兩城爲千乘二城又誤臨濟爲千乘改

劉裕雖收復建置多不可考又云漢劉淵趙燕秦宋魏齊

周皆非一統故不書按縣之名千乘正昉劉宋沈魏之書

具在此云不可考以文其陋耳南北朝與十六國並論尤

不合

壽光縣

續山東考古錄

卷之七、壽光縣

續山東考古錄

青補

五

夏斟灌國周紀國後入齊爲劇邑

斟灌國故城在東北四十里一稱灌亭一稱東壽光城今斟  
灌店春秋襄公四年左傳魏絳曰寒浞使澆用師滅斟灌及  
斟尋氏杜注樂安壽光東南有灌亭漢書應劭注古垺灌禹  
後今壽光灌亭是水經注堯水逕東西壽光二城間應劭杜  
預云云括地志斟灌故城在壽光縣東五十四里歷考諸書  
皆言斟灌在壽光斟尋在平壽無異說也其謂斟灌卽畔觀  
斟尋在河南者特因竹書紀年太康居斟尋后相依酈侯之  
文辭瓚注漢書卽疑之至今無定論余卽諸書所載寒浞事  
反覆研究知二斟確在此不在彼也後漢志平壽有寒亭寒

浞封此通典壽光下亦載寒浞國

詳濰縣

蓋浞見棄於其君而

事羿之後還封宗國殺羿而代夏政仍其故都古諸侯爲天

子皆都本國不改羿主夏政亦國於窮

羿自鉏遷窮石因代夏政浞殺羿而食其

子其子死於窮門是羿都於窮左傳有明證紀年稱羿亦居斟灌不足信

則寒浞之都寒可知也

二斟者夏之近宗

二斟禹後禹至后相僅四世則二斟與后相有服之親也

寒之鄰土固

浞所急欲滅絕以廓其境而除其逼也於是命澆先滅斟灌

灌在寒西尤近也又以舟師溯濰水以伐斟鄩覆其舟於濰

水而滅之夫浞殺羿因羿室而生澆

紀年相八年寒浞殺羿使其子澆居過會不知

殺羿方有其室而生澆當殺羿時安有澆其人耶

至澆能用師年至少亦須十六七

歲此十餘年中已居寒國聽夏后居安邑奸雄行事必不出

此是挾夏后以俱東后相以同姓故就近灌鄆焉依皆情理  
 所有二斟既滅始行弑逆后緝逃有仍今濟寧州也臣靡奔  
 鬲今德州也少康生於仍而奔於虞今曹州南接壤之河南  
 虞城縣也浞封澆於過以為近藩按處羶於戈以防夏眾少  
 康既長老臣靡乃自鬲東伐收二斟之燼俾為內應用誅寒  
 浞於寒少康復位即自帥就近誅澆於過儻浞在夏都或居  
 窮石豈肯使維城宗子遙處東萊少康反正遠離京邑遠伐  
 海隅皆必無之理也觀寒浞始終及其時事皆在今山東境  
 知浞之都寒無疑而二斟之先滅或后相曾依之無妨在壽  
 光平壽矣紀年所載昇浞事全本左氏而矛盾處甚多於太  
 康元年書帝居斟鄩敗於洛表於后相二十七年

又言澆伐斟鄩大戰於濰則敗洛表者之非居斟鄩可知至  
 未有昇室而已有澆尤千古笑柄蓋紀年乃魏國之史如魯  
 春秋只本國事其上及三代又上及黃帝以來晉宋人偽作  
 耳即據紀年二斟亦無害在壽光平壽有覆舟之役在也特  
 後人不知寒浞都寒因有去夏都太遠之疑而以畔觀鄆城  
 當之抑知畔觀乃姚姓並非禹後鄆城乃周大夫之邑乎  
 春秋隱公元年紀人伐夷杜注紀國在今東莞劇縣水經注  
 劇縣古紀國也後改曰劇魯連子曰胸劇之人辨者也

漢青州北海郡壽光縣益縣平望縣樂望縣又笛川國治劇縣  
 文帝十六年地志作十八誤析齊置笛川國笛川領三縣漢書高武王  
 傳宣帝五鳳中削笛川四  
縣蓋初領七縣。儒林傳顏安樂授淮陽冷豐次君豐笛川太  
 守考顏為眭孟門人孟昭帝時以說災異誅豐當為宣元時人  
 笛川自立國未嘗改  
 郡不當有太守再考

壽光縣故城在東北二十里俗曰牟城王莽曰翼平亭牟似  
 平訛也或又訛羊城

水經注巨洋水自辟間又東北逕益縣故城東又東北過壽

光縣西又云堯水逕東西壽光二城間今牟城在益城東北

巨洋水東堯水西樹灌城西北即壽光故城無疑

益縣故城在南七里齊乘云益都本漢侯國武帝封菑川懿

王子胡為侯國故城在壽光南按此混益縣城益都侯城為

一矣益都侯城詳雜考

平望縣故城在東北五十里水經注巨洋自壽光西又東北逕望

海臺西後漢書章懷注平望城又稱平望臺伏琛晏謨並以為平望亭在平壽

縣故城西八十里

樂望縣故城在東四十里今王望店齊乘樂望城壽光東二

十里今日王望店按王望店在東四十里在東二十里者乃

樂城詳但于氏以王望店為樂望縣未知所據姑從之後漢書王

望字慈卿遷青州刺史時州郡災旱望行部見饑者裸行草食五百餘人愍然哀之因以便宜出所在布粟給其廩糧為作褐衣按望琅邪人見前劉平傳此地或其行部施惠之所後人因以名之以寄甘棠之愛未可知也于氏說恐因一望字臆度之又齊國有門下掾名王望見後漢書吳良傳並識於此

留川國劇縣故城在南二十五里水經注劇縣城之北側有

故臺臺西有方池晏謨曰西去齊城九十七里按此即紀國

城今故址內猶有故臺通典壽光下有紀國城在縣南又漢

劇縣故城在縣南寰宇記紀城古紀侯之國今廢城在縣南

又云劇南城故紀國漢會為劇縣今城亦在縣南按漢有兩

劇縣一屬北海今在昌樂而西北去紀城四五里一卽紀城  
 菑川國治之名同地近後人稱隸北海者爲劇南城以示別  
 酈道元已混兩爲一通典以一爲紀國以一爲漢縣寰宇記  
 本之而誤謂兩城皆紀國蓋世不知漢有兩劇縣也久矣  
 史記公孫宏傳齊菑川國僻縣人也漢書同惟無齊字前錄  
 云僻屬魯國儒林傳言僻人公孫宏是宏審爲僻人上言齊  
 菑川者誤耳按凡字之誤或音近而轉或形近而訛魯字與  
 菑川二字傳寫稱述斷無相訛誤之理況菑川上又有齊字  
 耶考本傳稱宏家貧牧豕海上僻縣不近海已可證宏非僻  
 人又云元光五年復徵賢良文學菑川國復推上宏是儒林

傳僻字亦是誤字顧氏反據之疎矣漢志北海郡有輒縣顏  
 注輒卽執字王子侯表輒節侯息史表作報師古又謂卽瓠  
 字報又輒之訛師古則自相矛盾索隱單行本日報縣名志  
 屬北海表作輒韋昭以輒爲諸蟄反說文玉篇皆有執無輒  
 師古以爲輒卽古執字王氏懷祖謂輒爲執之訛是也河東郡之  
 輒輒講縣則音孤皆詳王氏讀書雜誌輒執與僻邊旁相似執在緝韻輒有輒字  
音之入切縣名在北海僻在屑韻音復相近蓋僻卽輒之訛輒字諸書  
 不多見或竟誤讀作僻或此縣名音本作僻縣名不讀本字各从土音者甚  
 多皆未可知菑川本齊所分故史記猶冠齊字菑川本領七  
 縣宣帝時始削四縣輒縣改隸北海故漢志輒屬北海縣北



六十里有霜雪城既瀕大海又近劇縣西南去臨淄東南去北海郡皆不遠故齊淄川北海三處皆可統轄蓋雪又薛之訛霜又因雪加之耳近志淄川縣有孟嘗君墓既不知史記漢書薛字為軻字復以今淄川縣為漢淄川國則繆之繆矣霜雪城之為軻城本無可疑以究無他據故提綱不書漢齊國得自置二千石以下官初領七十餘城故得自置郡以領縣或淄川國未分置之時齊已自置淄川郡而軻縣其舊屬武帝時淄川已別為國史仍舊制書之故作齊淄川薛人或曰烏知軻非本屬北海考北海景帝置文帝分置淄川時其屬縣安得有北海屬乎

後漢青州樂安國壽光縣益縣北海國劇縣地建武十三年併

淄川國入北海建武二年封劉終為淄川王十年卒光武紀章懷注淄川國今淄川縣誤省所治劇

縣入北海劇縣名紀亭詳昌樂又平壽縣地平望入魏改益縣為

益都正始元年置南豐縣

南豐縣故城在西北三十里今豐城水經注巨洋水逕益縣

故城東晏謨曰南去齊城五十里司馬宣王伐公孫淵北徙

豐人漢遼東郡無此縣疑公孫氏所置住於此遂改名為南豐城也按益縣

城在臨淄西不得云南去齊城且八九十里非五十里也考

舊唐志元和志括地志寰宇記並稱曹魏惟寰宇記誤作元魏於今壽

光南十里漢益縣故城置益都縣酈注於巨洋枝津所逕益

都侯城稱為北益都城其城在益城北如非益改益都何以

稱此為北益都耶三國魏紀正始元年規齊郡之西安臨淄

昌國界為新汶南豐縣酈注與史亦不合今豐城與晏說相

符當為臨淄地或曰當為東安平地史誤作西安耳備考

晉青州樂安國壽光縣益縣或曰仍魏舊名益都備考又齊

晉志誤與利縣連書詳博興

郡平壽縣地徐州東莞郡劇縣地

劉宋青州齊郡益都縣樂安郡博昌縣又僑冀州河間郡樂城

縣南皮縣後魏因之後魏河間僑郡屬青州齊移益都於州城北周因之

劉宋博昌縣故城在北里舊唐志壽光縣隋移治所於

博昌城元和志壽光縣宋省開皇六年於縣北一里博昌故

城置壽光縣蓋劉宋移博昌治此也今縣北無址而齊乘引

作十里疑置於王胡城即益都侯城元和志訛十為一也備考

僑樂城縣故城在東南十里今樂城村一作洛城縣東南東

方莊有元縣令孟過重修龍興寺碑有云寺在縣東南十五

里有石佛一座上書洛城令李某同妻李氏施北魏承明時

所造按宋僑南皮縣在縣境則河間僑郡所屬約皆在此此

城去龍興寺五里即樂城僑縣明矣洛樂字俗每通用漢平

樂城魏志作平洛可證見單縣

僑南皮縣故城在東北四十里今南皮臺魏志青州南皮下

有望海臺按即漢平望縣城今南皮臺與相近即南皮僑縣

矣齊乘疑南皮臺為平望亭非是

高齊時博昌廢益都移壽光未復諸僑縣約皆省并今縣境

齊周時未詳為何縣地但元和志所謂齊廢博昌者實誤指

漢博昌城此博昌未必齊廢也隋改博昌為壽光唐人以為

於博昌故城置壽光耳備考益都雖徙疑故城仍屬之

隋青州北海郡壽光縣開皇六年復於劉宋博昌城置十六年置閭

邱縣大業初省入壽光隋亂縣廢

紀要閭邱縣故城在縣南未詳所據

唐河南道青州北海郡壽光縣武德二年復屬乘州八年來屬五代

因之

唐壽光縣即今治元和志稱隋縣在今縣北未載何時徙治

蓋唐復置時即今治矣

宋京東東路青州北海郡壽光縣

金山東東路益都府壽光縣

元都省山東益都路壽光縣

明山東布政司青州府壽光縣

國朝因之

縣志嘉慶四年修沿革周牟國繆極因牟城而附會者又

於齊齊人忌與臨淄相近引府志云周封牟子漢置益都侯國按漢益縣非

遷牟子於牟平繆極矣

侯國 又置劇縣侯國有紀亭古紀國按侯國之劇在昌

樂紀亭之劇在縣南水經注已有此誤 又置鉅定縣按

西北或有鉅定縣地其縣治即今樂安 隋置閭邱縣大

業時改壽光誤又云隋於縣北十里博昌故城置壽光牙

盾又古蹟志云隋壽光在今博興境內不知博昌為劉宋縣故云又矛

盾 古蹟杜預斟灌在縣東南之說似無據按灌城正在

牟城東南此不知牟城為漢壽光也 古志云益城亦名

赤烏城未知所出 豐城意水經注北徙豐人或即此城

之人徙之於益城故改曰南豐繆 樂望城土人呼樂城

或據碑文疑為洛城可哂也彼乃邑人曾宰洛州洛城者

耳按此真足哂者 鹽城即霜雪城在西北六十里漢壽光故

城也按此誤將水經注巨洋支津北流入鉅淀句與下經

文巨洋經流又東北過壽光縣西句連讀又誤將壽光城

側積而為潭之水今牟城側猶瀦為泊認作巨淀致此巨繆獨不思

鹽城巨洋不逕其西堯水不逕其東不與灌城相對耶

南皮臺南皮之名無考何嘗無考

續山東考古錄卷之十七

滄州葉圭授子佩甫述

青州府下

昌樂縣

漢青州北海郡劇縣劇魁縣及營陵縣地

北海郡劇縣故城在西十里又名劇南城水經注西丹水自凡山北流逕劇縣故城東按此劇城即北海郡劇縣漢志注侯國者水經注於巨洋所逕之劇縣既云文帝別為菑川國又云武帝封劉錯為侯國是混兩劇為一城矣劇魁縣故城舊說在西北姑從備考

縣南五里有留泉社疑漢柳泉縣也柳留字俗每通稱留舒  
城魏志作柳舒可證其地正北海郡地辟閭渾使楊豁戍此  
時慕容德踰大峴而來蓋防其東侵也縣西與益都接益都  
東境疑有柳泉地故俗稱益都為柳泉耳備考

後漢青州北海國治劇縣建武十三年併淄川膠東高密三國  
入北海此據地志光武紀十三年并淄川屬高密膠東屬北海  
其後無并高密膠東二國入北海之文且其時亦無高  
密膠東二王國則此省淄川劇縣入劇縣建安十一年北海為  
衍淄川下一屬字耳  
郡以孫康為北海郡太守魏太和六年為國青龍元年為郡  
國志劇屬東莞考晉太康志劇屬琅邪魏未必已屬東莞○晉  
泰始元年北海復為國三年為郡太康時劇屬琅邪而廣漢王  
實仍徙封北海太安元年始廢國未詳治何縣劇屬琅邪亦未  
詳確在何時如在魏代則魏北海沿革亦不當係此茲姑沿後

漢書之晉代北海沿革則附載於此備考 又營陵縣地

後漢志北海國十八城劇第一即國治矣後漢地志首列之縣皆郡國治所

下云有紀亭古紀國前漢志淄川國劇縣下應劭曰今紀亭  
是蓋後漢省淄川劇入北海劇為紀亭應後漢人故云然紀  
要誤作省此劇入淄川劇

晉徐州東莞郡劇縣太康時屬琅邪後屬元康十年屬高密國  
又營陵縣地

補三國志謂西晉實有北海郡考魏志無晉屬北海之縣沈  
志稱膠東即墨晉屬北海而魏志膠東云晉屬齊郡即墨云  
晉屬長廣蓋太安以前晉原有北海後漸入他郡國沈志亦

祇此二縣云晉屬北海無獨留二縣置一郡之理况魏志更有明文耶此正休文之挂漏今不從 劉宋志劇太康志屬琅邪是劇先割屬琅邪又屬東莞也

劉宋青州北海郡劇縣高密國營陵縣地

後魏青州北海郡劇縣都昌縣膠州平昌郡營陵縣

後魏都昌縣故城在東北二十里今都昌集通典寰宇記並

稱漢都昌縣故城在臨朐東北隋志都昌有箕山堯水所出

臨朐東北阜山疑程符山白狼山在縣南白狼蓋隋劇縣省

今縣境惟東南屬營邱餘大抵皆都昌地且東侵濰南及朐

矣後魏都昌無如許大而其縣治即都昌集杜佑誤以為漢

治樂氏沿其誤而以漢都昌為漢昌邑愈繆宋都昌寄治青州

後魏營陵縣故城在東南五十里今營邱集漢城在濰縣此

後魏治無疑東南去漢城十許里詳濰縣齊乘後魏改營邱誤

高齊青州高陽郡都昌縣劇營陵並廢周因之

隋青州都昌縣營邱縣開皇十六年復於後魏營陵城置隋

亂二縣並廢

隋志營邱後齊廢開皇十六年復似齊已名營邱者蓋隋復

置時改名耳

唐北海縣地武德元年復置營邱縣於縣權置杞州二年州廢

屬濰州八年省營邱入北海五代因之

宋京東東路濰州昌樂縣乾德中析北海壽光置安仁縣尋改

寰宇記昌樂縣在州西五十五里方山在縣東南二十五里

叢角山在縣今本誤東當作五十里與今略同似宋縣即今

治其西丹水縣西五東丹水縣西六廢劇縣縣西五紀臺縣

六十至縣里數皆北海下舊文偶未及改耳齊乘所謂廢昌

樂城即營邱集漢營陵城又恰在東南十餘里後人不知濰

縣有營陵城因謂宋昌樂在營邱集西北十餘里則與寰宇

記所載至州里數方山叢角山兩丹水兩劇城去縣里數無

一合者矣九域志亦云在濰州西五十五里則不在營邱集

西北十餘里甚明明史稱古城在西縣西五里丹水側有城

址微跡方山去今縣較寰宇記差五里似宋縣在彼也俟再  
考

金山東東路濰州昌樂縣元北海縣地至元二年省昌樂入之

明史稱元後復置元志不載紀要稱明初復今姑從元志

明山東布政司青州府昌樂縣

明志洪武中徙今治

國朝因之

縣志嘉慶十四年封建表始逢伯陵繼太公按上去爽鳩

季莳中去蒲姑氏殊不可解 漢代列畝川國王三人按

縣境無畝川國地 沿革疑營邱城即唐北海縣城繆此



唐北海令竇倓穿白狼水溉田疑唐北海縣即治營邱城豈不知營邱集唐時亦北海縣地耶又云營邱城即漢營邱縣非濰縣之營邱城是明知濰縣尚有一明史吳元年營陵城安見彼非漢縣耶漢亦不名營邱

復昌樂明史無此文 東丹水北逕昌樂故城按此本水

經注東丹水北逕縣合西丹水之文不知所謂縣乃北海

劇縣此逕作昌樂故城繆 古蹟營陵城在留泉社誤

滔于後為杞所有亦即昌樂故國按此因營陵為緣陵而

誤不惟滔于不在此營陵亦不在此 營邱古城在邑東

南五十里太公受封所築也按此後魏縣近志以縣為太公始封處其誤

由於應劭至以魏縣當之愈繆寰宇記昌樂縣本夏邑商以前故國太公前封之處是逕以宋昌樂為古營邱抑知

宋縣治乃漢北海郡劇縣或劇魁縣地隋都昌唐北海地第宋析置時後魏營邱城在其東南境耳至云夏邑尤不

知所本

臨胸縣

周紀邾邑後入齊又齊東陽邑又穆陵地又戰國齊胸邑

春秋莊公元年齊師遷紀邾一作駢論語奪伯氏駢邑三百四書釋地曰古者二十五家為

里各立社書其社之人名於籍楚以七百里書社之人封孔子書社三百乃七千五百家管仲食邑不止於此此其一耳

杜注邾在東莞臨胸縣東南漢志臨胸下應劭注有伯氏駢

邑後漢志臨胸有三亭古邾邑三字疑邾關文或曰取三據百字以名亭恐未必然

諸說是邾在臨胸境耳非即臨胸城也而水經注云巨洋水

逕臨胸城東城古伯氏駢邑也二說互異未詳孰是

又襄公二年晏弱城東陽以逼萊杜注齊境上邑通典臨胸

有古東陽城一名凡城

齊乘臨朐縣古伯氏駢邑通典云古東陽城左傳城東陽是也漢置臨朐

縣竟似臨朐城即或以去萊都黃縣太遠為疑征南但云境東陽城矣甚不合

上邑亦似因此不知萊都當在今平度高密諸縣境

詳黃據

寰宇記輔唐北境即臨朐東境輔唐治在今安邱東南二十

里其北境即濰水西岸逾濰至高密四五十里耳即萊國之

維邑唐無昌樂臨朐東境大於今日凡城以凡山即丹山得

名水經注丹山在朱虛東北則今昌樂以南之山古皆丹山

東陽城當在臨朐東境通志稱在縣東十里以近世惟以縣

東北十許里古丹山極西之麓為丹山臆度凡城在其處耳

今無址可考姑從通典係此

又僖公四年左傳管仲曰南至於穆陵林氏曰索隱云今淮

南有故穆陵關是楚之境按林是時管仲相齊子文相楚正

是的對楚既以涉地何故為問則齊不應舉受封境以自狹

當以征伐所至為正余按穆陵在沂水縣北見元和志以西

河東海例之正春秋齊之疆域齊始封止於百里管仲以此

為賜履所至正侈言以喝楚四書釋地謂管仲自誣其先君

以夸楚最當答涉地之間在五侯九伯二句直可專天下之

征伐豈止河海遼西

林謂無棣在遼西

淮南而已如林氏說不惟反

嫌自狹且明明楚地而以為齊所賜履得不貽笑於蠻荆乎

胸邑見壽光紀城條胸劇並稱地本相近也古邑當即漢縣

漢青州齊郡臨朐縣徐州琅邪郡朱虛縣臨原縣西境當有萊蕪縣地

臨朐縣即今治水經注巨洋水逕臨朐縣故城東其城側臨

朐川朐下當有山字又東北逕委粟山東今治在巨洋水西

一里委粟山南三里元和志委粟山在縣北七十里誤即漢治無疑通志稱

故城在東南二里疑古城較大耳又云駢城在西南半里與

在東南即縣治二說皆不合當亦古縣城西南址

朱虛縣故城在東南六十里寰宇記稱在縣東稍誤

臨原縣故城寰宇記稱在縣東輔唐北無里數未詳所在

漢琅邪駢縣或謂即駢邑但寰宇記稱在安邱南與郿城相

近與杜預臨朐東南之說不合晉時朱虛未省郿在臨朐東

南則在朱虛東北不能至安邱南境酈道元謂臨朐即郿固

與杜說不符亦可證郿為漢駢縣古無此說也

寰宇記漢被縣故城在臨朐缺疑是東字九十里與齊乘互異今

未詳孰是互見膠州

後漢青州齊國臨朐縣北海國朱虛縣魏臨朐屬東莞郡朱虛未詳何屬

補三國志魏朱虛屬城陽據晉志也而魏志稱晉屬琅邪烏知非初因魏舊乎

晉徐州東莞郡臨朐縣又朱虛縣初屬琅邪後屬元康十年屬高密國晉志臨朐有海水祠混入東萊臨朐矣

劉宋青州齊郡昌國縣西安縣安平縣般陽縣平昌郡朱虛縣  
後魏因之後魏平昌郡屬膠州

劉宋昌國縣即漢臨朐縣城隋志臨朐舊曰昌國而劉宋無  
臨朐蓋於昌國僑立武城縣改臨朐為昌國也元和志臨朐

漢縣開皇六年改為逢山紀要臨朐宋省隋改置逢山不有  
隋志何從知為宋魏齊周之昌國縣乎魏志昌國有紀信冢今無考通志係淄川

蓋不知後魏昌國非漢治非紀信冢真在今淄川也

劉宋西安縣故城在西南十里今西安店魏志西安有逢山  
八士山皆在縣西八士山在西五十許里疑漢萊蕪地矣

劉宋安平縣故城當在縣北魏志安平有覆釜山即委粟山

劉宋盤陽縣故城在東南二十五里今盤陽店魏志般陽有

朱虛城大峴山甌山昌樂塔山鉅平山太山祠沂山也鉅平山今太平山蓋有

後漢晉朱虛境十之七八

劉宋朱虛縣故城當在縣東北魏志朱虛有凡山蓋有故朱  
虛之北境

高齊青州齊郡昌國縣周因之

隋志臨淄下及東安平西安並後齊廢誤以魏安平西安為  
漢治也當係臨朐下盤陽朱虛齊皆廢

隋青州臨朐縣開皇六年改昌國曰逢山復置盤陽縣大業  
初改逢山仍為臨朐省盤陽入之隋亂廢

紀要臨朐西南有盤陽城隋析置般陽縣按隋復後魏之舊

耳縣西南無盤陽城 齊乘臨朐晉省入昌國縣隋改逢山

按晉並未省臨朐是見隋志舊曰昌國句不知為劉宋改也

唐河南道青州北海郡臨朐縣武德二年復並復盤陽縣八年省入

臨朐五代因之

新唐志北海縣下武德二年置東陽縣屬濰州六年省未詳

即治古東陽城否

宋京東東路青州北海郡臨朐縣

金山東東路益都府臨朐縣穆陵縣貞祐四年析穆陵鎮置縣

穆陵縣故城在南九十里今穆陵關九域志臨朐有穆陵鎮

元都省山東益都路臨朐縣省穆陵縣入之至元三年省入益都十五年復

明山東布政司青州府臨朐縣

國朝因之

縣志康熙十二年修知縣

安邱縣

周濬于國又名州春秋杞國都又莒茲邑後入魯紀郡邑後入齊

春秋桓公五年州公如曹左傳濬于公如曹杜注濬于州國

所都城陽濬于縣也水經注以濬于為古斟灌國考斟灌在壽光其巨洋水篇言之甚詳此當是斟

續山東考古錄 卷之二十一 安邱縣

郭之訛斟縣為國都此或別邑但斟縣在寒城東南陸路甚近宿于東瀕濰北瀕汶寒澆之伐用舟師於理為近路史以灌郭斟為三國不為無見惟以斟為漢北海斟縣又以郭為濰州東南五十里之斟城蓋羅氏沿水經注誤文以壽光東南之灌城為宿于故以斟縣分當二國余謂果為三國灌城為灌斟城為斟宿于為郭固截然三地矣又羅氏謂灌郭皆斟姓斟為已姓皆非禹後則未詳所本

又昭公五年莒牟夷以牟婁及防茲來奔杜注姑幕縣東北

有茲亭按姑幕即莒州石阜集縣西南即其東北茲當在縣

境也即漢茲鄉縣杜氏以牟婁為一地見諸城新府志以為二地縣西南有牟山地名牟鄉謂即牟邑考宣十五年仲孫蔑會齊高固於無婁公羊作牟婁杜注以無婁為杞邑蓋亦以無婁為牟婁隱四年莒人伐杞取牟婁也但在宣公時實莒地不當仍注杞邑耳以為兩邑似誤太平御覽引列仙傳曰安期生琅邪阜鄉人按漢琅邪安邱縣城隋時曰牟鄉城疑安邱即安期生得名本古牟鄉為安期故里傳寫者訛牟為阜耳寰宇記安邱縣古根牟國

考根牟在今沂水此亦因牟鄉城致誤

又莊公元年齊師遷紀郚杜注在朱虛縣東南按即漢郚成

縣昌樂南有郚郚集其縣志以為紀郚邑或與臨朐之郚邑皆紀之本邑而漢之郚成與餅乃齊所遷歟備考

漢青州北海郡安邱縣宿于縣高密國昌安縣徐州琅邪郡安

邱縣郚成縣茲鄉縣餅縣

北海郡安邱縣故城在南一里今渠邱亭詳下

琅邪郡安邱縣故城在西南十五里舊說以此為北海安邱

而琅邪安邱則從無考及者不知漢志自有明文習而不察

耳按志北海郡安邱下云莽曰誅郚孟康曰今渠邱亭是今本

脫亭字據水經注引補此北海郡安邱縣即南一里之渠邱亭夫復何

疑水經注混兩安邱而一之迄今無以復辨汶水篇云東逕

安邱縣故城北漢高帝八年封將軍張說為侯國地理志曰

王莽之誅郅也孟康曰今渠邱亭莒渠邱城是也渠邱在莒州南詳莒

州此誤伏琛晏謨齊記並言亭在安邱東北十里非城也城對

牟山夫漢志北海安邱有莽曰而非侯國琅邪安邱注侯國

而無莽名道元此誤與兩劇正同孟康時北海安邱已省入

琅邪安邱今渠邱亭者言降為今安邱之渠邱亭也道元時

城廢已久但知為安邱所屬之亭不知為北海固有之縣故

云是亭而非城今此亭在對牟山之安邱故城東北十二三

里當為北海安邱之東北址古相去十里今差數里而對牟者此數里即其城也

山者即琅邪安邱不待言矣惟屬北海者省入屬琅邪者而

仍屬北海人多不察以此紀要謂北海安邱在縣東北琅邪

安邱在縣東南是並一安邱尚不知所在何足與考兩安邱

乎又或謂牟山即九域志之安邱山山北者屬北海屬琅邪

者亦在山側徒憑臆揣胡足為據

濱于縣故城在東北三十里今杞城齊乘亦作起城

昌安縣故城在東少南二十里寰宇記昌安城今縣外城是

也此本通典今本作安昌城傳寫倒耳齊乘云寰宇記謂安

昌城未免膠柱齊乘於安邱古城最茫昧將漢兩安邱城昌安城石泉城今安邱城混而一之考證辨已

悉紀要稱在縣西南十里誤以琅邪安邱城當之也

郃成縣故城在西南六十里崕山上水經注汶水自朱虛縣又東

北逕崕城北地理風俗記曰朱虛縣東四十里有崕城亭故

縣也是崕城亭即郃成縣降為亭也或因杜預稱郃在朱虛

東南與此云在東小異謂在東南者為亭在東者為縣誤

茲鄉縣故城當在縣西南詳前

餅縣故城當在縣西南寰宇記安邱縣餅漢縣舊地理書皆

失其所在縣南近與郃城相近姑從之又云成鄉漢縣後省

按郡國縣道記云北海有成鄉王莽改曰石樂此成鄉屬高密

王莽改曰順成即明二成鄉所理各別舊地理書並不載所

在蓋在今邑北界與北海成鄉犬牙相錯備考

後漢青州北海國安邱縣省北海安邱入琅邪安邱改屬北海

又瀋于縣昌安縣中興皆省安帝復又朱虛縣地梧成入朱虛魏安

邱未詳何屬瀋于昌安屬城陽

後漢志北海安邱縣有渠邱亭蓋併兩安邱為一而縣治琅

邪安邱改屬北海北海安邱降為亭也前書孟康注北海安

邱實康時已省之縣故曰今渠邱亭即應劭注留川劇縣今

紀亭之例也司馬彪所書實琅邪安邱縣治而併有北海安

邱者故曰有渠邱亭即其劇縣下有紀亭之例也知紀亭為

留川劇縣即知渠邱亭為北海安邱矣夫兩劇兩安邱兩漢

志本自簡明自水經注以後諸書皆混而一之惟紀要知有



兩劇兩安邱而考之不詳復多舛錯近志何責乎

補三國志安邱屬東莞而晉太康志屬琅邪似魏仍漢舊

晉徐州東莞郡安邱縣初屬琅邪國後屬元康十年屬高密國

又朱虛縣地又青州城陽郡淳于縣昌安縣

劉宋青州平昌郡安邱縣琅邪縣高密郡淳于縣昌安縣

後魏膠州平昌郡治嵒城故城爲縣地又安邱縣淳于縣

昌安縣琅邪縣

隋志郡城下舊置平昌郡後齊廢蓋後魏郡治在此但後魏

無嵒城縣其時朱虛已徙治疑爲琅邪縣地

魏志琅邪有管寧墓其縣治當在縣西隋志齊於郡城置琅

邪縣知宋魏琅邪本近梧成矣寰宇記諸城縣琅邪城後魏

復置高齊又省按後魏琅邪非舊治宋復非魏置齊亦未省

樂氏殊誤

魏志淳于有淳于城未詳徙治何所

魏志昌安有昌安城巨邱亭是跨有安邱地且非漢治矣今

治東南昌安城通典以其外城爲漢治蓋後魏於漢城內築

中城所有之昌安城卽指外城也魏志各縣所有古縣城似

此者想不少但不可考耳

高齊膠州平昌郡琅邪縣移郡治黔陬縣移琅邪縣治梧成城

又昌安縣天保七年省安邱入之省淳于入高密周因之

隋高密州郡部城縣及安邱縣地開皇十六年於漢琅邪安邱故城置牟山縣大業二年改爲安邱又改琅邪爲崞城三年安邱移治今諸城境

寰宇記隋分昌安縣於牟鄉城置牟山縣蓋安邱省入昌安爲牟鄉也 大業二年一年內安邱崞城皆漢舊治舊名

唐河南道高密州輔唐縣武德二年復置昌安縣屬濰州六年與部城縣皆省入安邱乾元二年移安邱來治昌安故城改名

輔唐安祿山五代梁仍名安邱唐仍名輔唐晉改膠西周因之

寰宇記武德二年安邱移於今理誤以復置昌安爲安邱移治也 續通考後晉省安邱入膠西誤

宋京東東路高密州安邱縣開寶四年改膠西仍名安邱

紀要稱宋移今治考寰宇記安邱縣牟山在縣西南十三里

王修墓在縣西四十七里今四與今略同故城益東二十里

與此數甚不合寰宇記本雜集各地志而成當分別觀之宋徙今治似可信新府

志以爲元王野驢修築今城始徙今所備考

金山東東路密州安邱縣

元都省山東益都路密州安邱縣

明山東布政司青州府安邱縣

國朝因之

縣志 明萬曆十七年修知縣熊任周鼎 志據隱四年莒人伐

杞取牟婁其時杞已在東方濇于之亡當在春秋初杞人  
 遷而居之桓公六年州公始以寓公如曹按據牟婁之取  
 杞固已即東夷但謂濇于亡在春秋初則不然傳言度其  
 國危是猶未滅之辭也諸侯失地名桓六年經書州公七  
 年書實來是亡國在桓七年也杞自陳留東遷本即東夷  
 周時邊海夷地廣衍與內服國邑櫛比者不同故可占居  
 杞之初遷當在近濇于夷地高密膠州諸城古皆夷地先取其旁邑後  
 滅其國而徙都之則牟婁當是杞取諸濇于或他夷國者  
 不必據其國都始能有其旁邑也

諸城縣

周魯諸邑莒牟婁邑防邑後皆入魯又齊琅邪邑

春秋莊公二十九年城諸及防杜注諸今諸縣路史諸彭姓  
 國牟婁故城在西十五里今董家厓頭村春秋隱公四年莒  
 人伐杞取牟婁杜注城陽諸縣東北有婁鄉後漢志平昌有婁鄉蓋漢晉不  
同屬也劉昭於平昌諸縣皆引杜說似不合水經注涓水逕婁鄉城東又分諸縣  
 之東為海曲縣故俗人謂此城為東諸城按或據此謂此為  
 琅邪海曲縣在日照者屬東海考後漢志徐州廣陵郡海西  
 縣下云故屬東海即前漢東海海曲縣寰宇記兩海曲一在  
 海州懷仁縣詳莒州一在莒縣即在日照者皆不在諸城明矣酈注  
 存疑俟考

防邑故城當在縣西春秋昭公五年莒牟夷以牟婁及防茲來奔杜注平昌西南有防亭按莊公時此防未入魯二十九年所城非此矣但地近諸邑疆場彼此正未可膠柱

孟子齊景公曰放於琅邪按卽漢縣 越王句踐徙都琅邪前人多疑之今不取

漢徐州琅邪郡治琅邪縣呂后改琅邪國文帝元年國除爲郡還屬齊後屬朝廷當在齊國除時又東武縣橫縣昌縣平昌縣及姑幕

縣地博物記曰姑幕縣東南五里有公冶長墓今在縣西北四十里錫山側青州高密國石泉縣地故城在東北高密境內與縣接界

琅邪縣故城在東南一百三十里今夏河城據水經注秦漢

郡治卽在琅邪縣或因漢志郡首東武以爲郡治非也 元

和志琅邪山在諸城東南百四十里水經注琅邪故城在山西北十里則去諸城百三十里寰宇記作百六十里似誤

東武縣卽今縣治東南有遺址水經注濰水東北過東武城縣西當作東武縣城西字倒耳縣因岡爲城周三十里又北左合扶淇之

水晏謨伏琛云東武城西二里濰水者卽扶淇之水也又北右合盧水水出琅邪橫縣故山山在東武縣東南世謂之盧

山西北逕昌縣故城西又西北逕東武縣故城東據此是東武縣城在濰水南扶淇水東盧水西今治正其故地特古城甚大後魏於其內築中城今城周七里居古城四之一卽中

城也縣東南有古城一段即外城也或謂古城在東南今治  
乃西北移者今扶淇水在西七里視去古城偏東五里非西  
北徙明矣今城作凸字形齊乘曰密州理有中外二城外城  
漢東武城中城後魏築按宋元時外城久圯蘇軾山堂銘序  
有云野人來告故東武城中出亂石無數可證于氏於密州  
不云有古城則所謂外城指今治南半耳  
諸縣故城在西三十里又名季孫城  
橫縣故城當在縣東南寰宇記橫縣故城在盧山之北盧水  
之側今無城址按水經注不言盧水逕橫城樂氏臆度耳  
昌縣故城在東北二十五里今昌城村

平昌縣故城在西北六十里又名龍臺城俗曰城陽城又名  
鬪雞臺水經注平昌城東南角有臺臺下有井常有龍出入  
其中故世亦謂之龍臺城寰宇記平昌城龍臺城並見不合  
齊乘有平昌城又有城陽城云在安邱西南八十里漢城陽  
國亦曰龍臺城尤繆城陽俗名耳漢城陽國治莒縣齊乘平昌城安邱南  
六十里考證曰安邱志漢平昌城在柴溝為諸城界此條所  
謂平昌城乃後魏之平昌郡漢郿城耳按于氏誤在別出城  
陽城此卻不誤柴溝在濰水東據水經注荆水在平昌城東  
濰水又在荆水東平昌城在濰水西三四十里柴溝安得為  
平昌城耶安邱南六十里正諸城西北六十里考證蓋以平

昌城既係諸城在安邱者自當是郡城不知平昌縣城已近  
安邱境寰宇記所謂在安邱南六十里者若郡城在安邱西  
微南六十里不在南也

後漢徐州琅邪國東武縣琅邪縣國治移莒縣後又移開陽又諸縣  
及姑幕縣地又青州北海國平昌縣魏城陽郡治東武縣諸縣  
割屬省琅邪縣又置平昌郡後廢

後魏志建安三年魏武分北海爲城陽郡寰宇記魏明帝復  
城陽郡而郡徙理東武或後漢末復郡時卽治東武而寰宇  
記誤作魏明帝或漢末復郡仍依前漢制治莒魏明帝復徙  
東武皆未可知也

後漢晉皆有諸縣補三國志獨無亦別無依據蓋漏載

劉宋志魏文帝分城陽置平昌郡當卽治平昌縣也晉惠復  
置治所及屬縣皆未詳劉宋郡治或平昌或晤城亦無明據  
紀要稱曹魏治平昌城晉宋因之考晉平昌郡與高密國同  
年復而平昌縣屬高密則平昌郡不治平昌矣晉宋平昌郡  
姑闕書俟考

晉青州城陽郡治東武縣初爲城陽國泰始中爲郡又諸縣平

昌縣又姑幕縣地太康十年東武諸屬東莞郡元康十年廢城

陽郡太康十年後平昌縣屬高密國元康十年城陽惟餘高密  
壯武黔陬平昌昌安夷安  
七縣是年盡入高密則城陽廢矣晉志所載析入高密之十一  
縣其莒諸姑幕東莞四縣太康十年已屬東莞志槩屬城陽誤

元康十年平昌高密兩郡同置而此十一縣皆屬高密此外無縣可屬平昌疑有誤。平昌城俗名城陽或太康十年後郡治歟

劉宋青州平昌郡平昌縣東武縣徐州東莞縣諸縣

後魏膠州治東武郡治東武城永元二年置郡永安二年置州

又置扶淇縣梁鄉縣興和中於梁鄉置臨海郡尋廢又姑幕縣

地高密郡東武縣平昌縣延昌中來屬又南青州東莞郡諸縣

魏志膠州治東武城寰宇記密州理中城後魏莊帝永安二

年築以置膠州按郡以東武名當亦治東武城或因郡首姑

幕謂郡治姑幕魏志首列之縣不必皆郡治也

魏志扶淇有常山祠山在縣南三十里扶淇水沙城疑城西北沙山今名白玉山

雲母山縣東南十里瀘水又東武有平昌城其平昌下云治平昌

城則東武所有乃昌城衍平字耳觀扶淇所有皆故東武縣

地今縣境未聞有扶淇故城疑東武移故昌縣地而扶淇即

置於東武城也備考

魏志梁鄉有梁鄉城五弩山縣東五里紀邱山即琅邪山琅邪臺舊

以縣南百二十里之兩城鎮為梁鄉城第以兩音近梁別無

依據余謂梁鄉即琅邪故境有琅邪臺而無琅邪城似縣治

即在琅邪城以北有梁鄉城詳膠州因以名之不名琅邪者以

平昌郡有琅邪也備考

魏志膠州平昌縣下前漢屬琅邪云云其青州齊郡平昌縣

下注與此同一縣同時屬兩州兩郡無此理也且此平昌與齊郡壤地不接則齊郡平昌乃劉宋平原僑郡屬縣後魏割廢者魏氏誤以此平昌注文重出於彼其本注遂闕故治所無考水經注淄水篇載其父太和中刺州青州時濁水復通有平昌龐民孫道相獻頌考濁水即益都城南南陽水此獻頌者即齊郡平昌之老民其縣治當與州治相近

高齊膠州治高密郡治東武縣廢東武郡移高密郡來治又東

莞縣地

姑幕省入

周因之

齊省併扶淇等縣如後魏東武徙昌縣地還治故城當在此時

寰宇記諸縣齊天保七年省又平昌縣亦云齊省

隋高密州治諸城縣開皇初改膠州為密州十六年改東武為

諸城又置豐泉縣大業初改名琅邪又安邱縣大業初來治平昌故城又東莞縣地

舊唐志諸城下隋移入廢高密郡城按即後魏中城也

隋志琅邪有徐山廬山鄆日山膠水即漢琅邪後魏梁鄉故

地也初置名豐泉以別有琅邪縣故迨琅邪改名崞城乃改

豐泉為琅邪當即治漢故城

唐河南道高密州治諸城縣五代梁龍德元年改名膠源唐復

故漢為防禦州周改軍事

舊五代史梁龍德元年改漢諸縣為膠源中書舍人馬縞請也按朱温父名誠縣兼犯姓名故稱漢諸縣而復改名



宋京東東路高密州安化軍節度治諸城縣建隆元年改防禦  
州開寶二年升安化軍尋降防禦六年復爲軍

金山東東路密州治諸城縣

元都省山東益都路密州治諸城縣

明山東布政司青州府諸城縣洪武二年廢密州附洪武初置

諸城千戶所夏河寨千戶所

國朝因之 裁千戶所

縣志乾隆二十九年修知縣宮懋讓沿革後魏郡治姑幕

恐未確 不知齊琅邪治嵎城而妄疑隋志 古蹟城東

北十五里有諸馮村明職方地圖諸城下注舜生處按孟

子稱舜爲東夷之人此自可備一說但去岐周千有餘里

孟子所謂諸馮似非此地 漢志琅邪郡首東武琅邪亦

不著王國豈劉澤徙燕之後國廢而郡遷東武耶按漢志

王國皆列諸郡後縣下無注王國者況已改郡尙何注乎

琅邪郡治琅邪縣水經注有明文似未之見 古城在縣

東南門外岡上水經注所謂東武城指此齊乘以今南城

爲漢縣或漢復遷築者耶水經於所過縣皆曰縣獨濰水

云過東武城縣西是城爲古城縣爲今縣而濰皆過其西

在桑欽時已然矣按此竟未見寰宇記魏築中城之文齊

乘以今治南半爲外城本其誤處乃不觀下文後魏築等

語妄疑漢所徙治又因水經一字偶倒穿鑿爲古城今縣之說竟謂桑欽時已然閱之失笑

青州府補遺

益都縣

一統志柳泉故城在益都縣東按昌樂之留泉社正在益都之東或元省昌樂後其地分隸益都故相傳益都爲柳泉歟  
宋書沈文秀傳爲青州刺史叛應晉安王子勛青州強姓門族相合據北海城拒之文秀遣軍主解彥士攻北海陷之高陽渤海太守劉乘民弟伯恭率鄉民復克北海因率所領向青州所治東陽城南齊書劉善明傳亦云北海太守劉懷恭即伯恭據郡相應按州郡志稱北海郡寄治州下志以大明八年爲斷文秀叛在太宗初不應別有北海郡城或此後始寄治志不盡以大

明八年爲斷歟後漢北海治劇縣晉已析隸他郡州郡志北海郡首都昌或卽治都昌志載都昌亦寄治州下或此番亂定後隨郡徙治歟

魏書刁雍傳是時攻東陽平其北城蓋本有南北二城矣 又袁翻傳皇興中東陽州平稱青州爲東陽州僅見 又神元平文諸帝子元天穆傳河閒邢杲自鄭城南度居青州北海界靈太后詔所在置郡縣選豪右爲守令青州刺史元世儁表置新安郡以杲爲太守後不果按後以杲從子瑤爲河閒太守蓋青州境內本有河閒等僑郡不煩別置故不果行也

山河兩戒考東漢北海國治劇縣魏爲益都城晉安帝爲北青州劉宋仍曰青州後魏又改益都郡後周改齊郡隋復爲青州改北海郡按此舛謬已極因隋青州改北海郡混入漢之北海國魏益都自在今壽光混入今益都且似劇縣改名者後魏益都郡尤爲杜撰

隋書段元振傳北海期原人北海無此縣名通志人物門收之當存疑

臨淄縣

通志人物門有晉張載云臨淄人考本傳及衛瓘三都賦序並云張載安平人乃安平國人也臨淄有東安平故城誤因此魏書侯淵傳淵斬青州刺史元貴平而詔以封延之爲青州刺

史淵既不獲州任情又恐懼行達廣川遂劫光州庫兵反按光州當卽廣川之訛廣里亦作光里二字古每通用川州形近而誤不然光州治東萊郡廣川在臨淄何能劫其庫兵耶又崔光韶傳稱淵停軍於益都亦當作廣川魏時益都尙未徙治魏收當北齊時益都已徙東陽城而省廣川入之故作益都耳

### 博興縣

一統志引縣志延鄉城在縣西南五里故址尙存考水經注延鄉城在今新城此城或卽高昌城也綬按說可從  
彭注五代史引文獻通考博興後唐改千乘漢博昌後唐改按通考千乘下注闕重出博興下注此誤混爲一

### 高苑縣

宋書顏師伯傳虜天水公攻樂安城平原樂安二郡太守分武都等拒破之按時在大明二年樂安郡猶治臨濟故與平原共一太守又蕭思話傳蕭斌遣將軍崔猛攻虜青州刺史張淮於樂安時在元嘉二十七年始得樂安而僑立渤海等郡則在大明二年後矣  
寰宇記稱高齊長樂縣屬長樂郡余疑之故闕書郡名今考隋志信都郡長樂縣下云舊曰信都帶長樂郡開皇初分置長樂縣是齊之長樂郡治信都縣隋始分立長樂縣而郡又廢樂氏旣混兩代沿革爲一代事又混僑縣於實土

壽光縣

路史二斟皆斟姓非妘姓賈逵又以爲曹姓皆不知所本  
漢志菑川國劇縣下應劭注故肥國紀字形訛也路史云肥城  
外菑川亦有肥國與以滕爲膠國同一疏謬

括地志菑川故城在壽光西三十一里當作西南

宋書夷蠻傳燕王馮宏奔高驪北豐城按城當在遼東境水經  
注北徙豐人云云當作徙北豐人

昌樂縣

晉書隱逸傳石垣北海劇人載記王猛自云北海劇人按晉劇  
縣太康屬琅邪又屬東莞屬高密此皆據舊制言之

宋書符瑞志泰始三年五月己卯白麀見北海都昌大明三年  
九月乙亥嘉禾生北海都昌縣永初二年赤烏見北海都昌按  
都昌未寄治州城以前或仍漢舊或已徙今昌樂都昌集不可  
考矣

臨朐縣

括地志駢城在臨朐東三十里

山左金石志謂柳山寨爲駢城其地去縣七十里疑未確

一統志朱虛故城在今縣東北廟山社有遺址土人呼爲城頭  
按水經注巨洋水先逕朱虛城西後逕臨朐城漢朱虛城似不  
能在縣東北在東北者當是宋魏朱虛城也

安邱縣

路史安邱西南六十里故郟城漢梧城縣注云杜預謂在卞縣南又朱虛東南有郟城按在卞南者乃魯邑與此無涉朱虛東南卽安邱西南非二城

晉書文苑傳伏滔平昌安邱人考晉志平昌郡與高密國同時置高密所屬十一縣內有安邱而平昌無一屬縣余固疑有誤據此知安邱屬平昌郡矣

宋書沈文秀傳泰始四年虜青州刺史王隆顯於安邱縣又爲軍主高崇仁所破是時文秀猶守青州東陽未破故後魏青刺暫駐安邱也

諸城縣

山河兩戒考後魏於晉諸縣置高密郡隋改諸城按晉魏諸縣猶漢治隋改東武爲諸城縣 魏東武高密兩郡治所地形志無明文余初因東武郡以縣爲名自當治東武城而東武縣卻屬高密境有昌城故疑移治故昌縣地而扶淇倚郭但隋志諸城下云舊曰東武置高密郡或東武縣仍舊魏已移高密治此而東武郡或與高密同治或治姑幕皆未可知一統志扶淇故城在諸城西北縣志西北有扶淇鄉疑本漢扶浸侯邑也並存備考

北齊書祖挺傳曾至膠東刺史司馬世雲家飲酒東當作州金密州仍爲安化軍提綱缺書

後漢書光武紀張步起琅邪注郡有琅邪山故城在今海州朐山縣東北按光武初郡治猶在琅邪縣注誤以劉宋僑郡當之

